

四庫全書

集部

欽定四庫全書

集部

山谷外集詩注

原目
卷一至三

詳校官庶吉士臣胡鉦

檢討臣何思鈞覆勘

總校官候補中臣王燕緒

校對官編修臣勵守謙

謄錄監生臣趙大赤

山谷外集詩注原序

書存于世惟六經諸子及遷固之史有注其下方者以
其古今之變詁訓之不相通也而今人之文今人乃隨
而注之則自蘇黃之詩始也詩動乎情發乎言而成乎
音人為之人誦之宜無難知也而蘇黃二公乃以今人
博古之書譬楚大夫而居于齊應對唯諾無非齊言則
楚人莫喻也如將以齊言而喻楚人非其素嘗往來莊
嶽之間其孰能之山谷之詩與蘇同律而語尤雅健所

援引者乃多于蘇其詩集已有任淵史會更注之矣而公所自編謂之外集者猶不易通史公儀甫遂繼而為之注上自六經諸子歷代之史下及釋老之藏稗官之錄語所關涉無不盡究予官成都得于公之子叔廉而徧閱之其於山谷之詩既悉疏理無復疑結而古文舊事因公之注所發明者多矣夫讀古人之書得之於心應之于手固非區區采之簡冊而後用之也而為之注者乃即羣書而究其所自来則注者之功宜難于作而

公以博洽之能乃隨作者為之訓釋此其追慕先輩嘉惠後學之意殆非世俗之所能識也昔白樂天作詩使媪讀之務令易知而揚子雲草太玄其詞艱深人不能通乃曰後有揚子雲必好之矣古之君子固有不徇世俗而自信於後世之知我者若公於山谷既以子雲而知子雲其為之訓釋則又諄諄然為人言之是亦樂天之志也公蜀青衣人名容號薌室居士仕至太中大夫晚謝事著書不自休嘗為補韻及三國地名皆極精密

今年餘七十耳目清明齒髮不衰他日傳于世者又將
不止于數書而已也嘉定元年十二月乙酉晉陵錢文
子序

山谷外集詩注原目

附年譜

山谷自言欲倣莊周分其詩文為內外篇意固有在
非去此取彼今內集詩注有注而外集未也疑若有
所去取焉者茲豈山谷之意哉秦少游與李德叟簡
云黃魯直過此為留兩日其敝帚焦尾兩編文章高
古邈然有二漢之風今時交游中以文墨自業者未
見其比又簡參寥云魯直近從此赴太和令得渠新
詩一編高古絕妙吾屬未有其比僕頃不自揆妄欲

與之後先而驅今乃知不及遠甚赴太和蓋元豐庚申歲而焦尾敝帚即外集詩文也其為時輩所推如此建炎間山谷之甥洪玉父為胡少汲編豫章集獨取元祐入館後所作蓋必有謂未可據依此續注之所不得已也因以少游語冠于篇首其作詩歲月別行銓次有不可考者悉皆附見舊多舛誤略加是正餘且從疑以俟博識

第一卷

嘉祐六年辛丑

是歲山谷從其母舅李公擇遊學淮南始婚于孫氏萃老女蘭溪也見所

作二室

墓誌

溪上吟

元注云時年十七

清江引

治平三年丙午

是歲山谷再貢于鄉俱為首選

次韻叔父聖謨詠鴈遷谷

次韻十九叔父臺源

叔父鈞亭

巖下放言五首

治平四年丁未

是歲神廟登極山谷
登第調汝州葉縣尉

寄傅君倚同年

答德甫弟

贈元發弟放言

熙寧元年戊申

是歲山谷赴葉縣
尉九月到汝州

清明

何造誠作浩然堂陳義甚高然頗喜度世飛昇之
說築屋飯方士願乘六氣遊天地間故作浩然詞

二章贈之

徐孺子祠堂

思親汝洲作

次韻戲答彥和

熙寧二年己酉

是歲在
葉縣

次韻裴仲謀同年

流民數

熙寧三年庚戌

是歲在葉縣

次韻寄滑州舅氏

熙寧四年辛亥

是歲在葉縣

張仲謀家堂前酴醾委地

和答登封王晦之登樓見寄

和答孫不愚見贈

腫起

還家呈伯氏

次韻時進叔二十六韻

寄黃從善

第二卷

薛樂道自南陽來入都留宿會飲作詩餞行

戲詠江南土風

奕棊二首呈任公漸

謝曉純送衲襪



金史卷之八十二
原目
衝雪宿新寨忽忽不樂

聽崇德君鼓琴

郭明甫作西齋于頰尾請予賦詩二首

勸交代張和父酒

過平輿懷李子先時在并州

熙寧五年壬子

是歲試中學官除
北京國子監教授

以金沙醪釀送公壽

寄懷公壽

武陵

年譜作雜詩八首今七首刪去

熙寧八年乙卯

是歲在北京

呻吟齋睡起五首呈世弼

奉答子高見贈十韻

招子高二十二韻兼簡常甫世弼

次韻謝子高讀淵明傳

奉和王世弼寄上七兄先生用其韻

送吳彥歸番陽

熙寧九年丙辰

是歲在北

二月丁卯喜雨吳體為北門留守文潞公作

李右司以詩送梅花至潞公予雖不接右司想見
其人用老杜和元次山詩例次韻

熙寧十年丁巳

是歲在北

次韻外舅喜王正仲三丈奉詔禱南岳回至襄陽
舍驛馬就舟見過三首

次韻正仲三丈自衡山返命舍驛過外舅師厚贈

答

第三卷

次韻子瞻春菜

元豐元年戊午

是歲在
北京

閏月訪同年李夷伯子真于河上子真以詩謝次
韻

戲答李子真河上見招來詩頗誇河上風物聊以
當嘲云

和答李子真讀陶庚詩

丙寅十四首效韋蘇州

催公靜碾茶

用前韻戲公靜

對酒歌答謝公靜

種決明

同世弼韻作寄伯氏在濟南兼呈六舅祠部

伯氏到濟南寄詩頗言太守居有湖山之勝同韻

和

次韻寄李六弟濟南郡城橋亭之詩

用明發不寐有懷二人為韻寄李秉彛德叟

陪師厚遊百花洲盤薄范文正祠下道羊曇哭謝

安石事因讀生存華屋處零落歸山丘為十詩

百花州雜題

竹下把酒

砌臺晚思

和師厚接花

和師厚栽竹

次韻師厚雨中晝寢憶江南餅麴酒

次韻師厚萱草

次韻謝外舅病不能拜復官夏雨眠起之什

次韻師厚病間十首

第四卷

次韻奉送公定

和謝公定河朔漫成八首

次韻謝公定王世弼贈答二絕句

次韻公定世弼登北都東樓四首

和謝公定往南謠

和師厚秋半時復官分司西都

和師厚郊居示里中諸君

寄南陽謝外舅

和外舅夙興三首

和答師厚黃連橋壞大木亦為秋雹所碎

世弼惠詩求舜泉輒欲以長安酥共泛一盃次韻

戲答

送蛤蜊與李明叔諸公

戲贈世弼用前韻

世弼病方家不善論蛤蜊之功戲答

次韻師厚食蟹

次韻謝外舅食驢腸

次韻師厚答馬著作作屢贈詩

次韻子瞻與舒堯文禱雪霧豬泉唱和

第五卷

薄薄酒二章

戲贈彥深

竹軒詠雪呈外舅謝師厚并調李彥深

賦未見君子憂心靡樂八韻寄李師戴

次韻張秘校喜雪三首

次韻寅菴四首

元豐二年己未

是歲在
北京

以同心之言其臭如蘭為韻寄李子先

見子瞻粲字韻詩和答三人四返不困而愈崛竒

輒次韻寄彭門三首

再和寄子瞻聞得湖州

次韻答堯民

春遊

次韻感春五首

聖東將寓于衛行乞食於齊有可憐之色再次韻
感春五首贈之

第六卷

次韻蓋郎中率郭郎中休官二首

次韻郭右曹

送楊瓘鴈門省親二首

次韻答張沙河

送張沙河遊齊魯諸邦

和張沙河招飲

同堯民遊靈源廟廖獻臣置酒用馬陵二字賦詩

二首

八音歌贈晁堯民

八音歌贈晁堯民

次韻師厚五月十六日視田悼李彥深

次韻晁補之廖正一贈答詩

再次韻呈廖明略

走答明略適堯民來相約奉謁故篇末及之

答明略并寄無咎

再次韻呈明略并寄無咎

再答明略二首

次韻無咎閻子常携琴入村

定交詩二首效鮑明遠體呈晁無咎

贈無咎八首歌

二十八宿歌贈別無咎

第七卷

林為之送筆戲贈

再和答為之

再和答為之

贈趙言

次韻題粹老客亭詩後

贈張仲謀

乞貓

謝周文之送貓兒

謝張叅伯惠黃雀鮓

贈答晁次膺

楊朴墓

次韻孔四著作作早行

次韻孔四著作作北行潯沲

和陳君儀讀太真外傳五首

讀曹公傳

雜詩

衛南

酒

次韻答柳通叟求田問舍之詩

書扇

元豐三年庚申

是歲山谷入京改
官授吉州太和縣

次韻答叔原會寂照房呈稚川

同王稚川晏叔原飯寂照房得房字

次韻叔原會寂照房得照字

次韻稚川得寂字

都下喜見八叔父

次韻叔父夷仲送夏君玉赴零陵主簿

病起次韻和稚川進叔唱酬之什

稚川約晚過進叔次前韻太稚川并呈進叔

汴岸置酒贈黃十七

第八卷

曉放汴舟

次盱眙同前韻

外舅孫莘老守蘇州留詩斗野亭庚申十月庭堅

和

十月十三日泊舟白沙江口

發白沙口次長蘆

阻風入長蘆寺

次韻伯氏長蘆寺下

金陵

贈別李端叔

阻風銅陵

阻水泊舟竹山下

池口風雨留三日

貴池

大雷口阻風

庚寅乙未猶泊大雷口

乙未移舟出口

丙申泊東流縣

書石牛溪旁大石上

題山谷大石

同蘇子平李德叟登擢秀閣

靈龜泉上

從丘十四借韓文二首

發舒州向皖口道中作寄李德叟

庭堅得邑太和六舅按節出同安邂逅於皖公溪
口風雨阻留十日對榻夜語因詠誰知風雨夜復
此對牀眠別後覺斯言可念列置十字字為八句
寄呈十首

題馬當山魯望亭四首

泊大孤山作

題落星寺四首

第九卷

王京軒

過致政屯田劉公隱廬

壽聖觀道士黃至明開小隱軒太守徐公為題曰
快軒庭堅集句詠之

駐輿遣人尋訪後山陳德方家

題李夫人偃竹

次韻章禹直開元寺觀畫壁兼簡李德素

元豐四年辛酉

是歲山谷自鄉井赴太
和考試舉人于南安軍

豐城

上蕭家峽

何蕭二族

魏夫人壇

隱梅福處

蕭子雲宅

避秦十人

黃雀

到官歸志浩然二絕句

題吉州承天院清涼軒

次韻答楊子聞見贈

聞致政胡朝請多藏書以詩借書目

戲贈南安倅柳朝散

題槐安閣

洪範以不合俗人題廳壁二絕句次韻和之

發韻上寄余洪範

次元明韻寄子由

再次韻奉答子由

再次韻寄子由

次韻寄上七兄

和七兄山籟湯

同韻和元明兄知命弟九日相憶二首

代書

雙澗寺二首

睡起

奉送周元翁鎖吉州司法廳赴禮部試

飲澗父家

次韻寄澗父

送酒與周法曹用前韻

第十卷

出迎使客質明放船自瓦窰歸

次韻和答孔毅甫

再用舊韻寄孔毅甫

元豐五年壬戌

山谷是歲在太和

二月二日曉夢會于廬陵西齋作寄陳適用

長句謝陳適用惠送吳南雄所贈紙

寄陳適用

寄懷元翁

對酒次前韻寄懷元翁

侯尉之吉水覆按未歸三日泥雨戲成寄之

侯尉家聽琵琶

寄袁守廖獻卿

廖袁州次韻見答并寄黃靖國再生傳次韻寄之
袁州劉司法亦和予摩字詩因次韻寄之

次韻奉答吉老并寄何君庸

次韻奉答廖袁州懷舊隱之詩

上權郡孫承議

奉和孫奉議謝送菜

和孫公善李仲同金櫻餌唱酬二首

答余洪範二首

三月乙巳來賦鹽萬歲鄉且菟獮匿賦之家晏飯
此舍遂留宿是日大風自採菊苗薦湯餅二首

題高君正適軒

寄李次翁

四月戊申賦鹽萬歲山中仰懷外舅謝師厚

癸丑宿早禾渡僧舍

宿觀山

上大蒙籠

勞坑入前城

乙卯宿清泉寺

丙辰仍宿清泉寺

丁巳宿寶石寺

第十一卷

己未過太湖僧寺得宗汝為書寄山蘋白酒長韻
詩寄答

庚申宿觀音院

辛酉憩刀坑口

金刀坑迎將家待追漿坑十餘戶山農不至因題
其壁

次韻漢公招七兄

寄題安福李令適軒

寄題安福李令先春閣

寄題安福李令愛竹堂

題安福李令朝華亭

登快閣

和李才甫先輩快閣五首

八月十四日夜刀坑口對月奉寄王子難子聞適

用

彫陂

幾復寄攢櫚且答詩勸予同種復次韻寄之

黃幾復自海上寄惠金液三十兩且曰惟有德之士宜享將以排蕩陰邪守衛真火幸不以凡物畜之戲答

幾道復覓攢櫚

次韻幾復答予所贈三物三首

送酒與畢大夫

喜太守畢朝散致政

次韻道輔雙嶺見寄三疊

次韻章禹直魏道輔贈答之詩

次韻道輔旅懷見寄

和答魏道輔寄懷十首

倉後酒正廳昔唐林夫謫官所作十一月己卯予
納和租隔牆芙蓉盛開

吉老受秋租輒成長句

再次韻和吉老

招吉老子範觀梅花

子範徼巡諸鄉捕逐羣盜幾盡輒作長句勞苦行

李

送徐隱父宰餘干二首

第十二卷

次韻君庸寓慈雲寺待韶惠錢不至

次韻奉答存道主簿

從時中乞蒲團

奉送時中攝東曹掾掾

奉答茂衡惠紙長句

雜言贈羅茂衡

寄晁元忠十首

次韻晁元忠西歸十首

元豐六年癸亥

是歲在太
和十二
月移監德平鎮

食筍十韻

蕭巽葛敏修二學子和予食筍詩次韻答之二首

胡朝請見和復次韻

立春

寄舒申之戶曹

次韻答杜仲觀二絕

再次韻

社日奉寄君庸主簿

觀王王簿家酴醾

酴醾

元翁坐中見次元翁到和孔四飲王夔玉家長韻
因次韻率元翁同作寄湓城

再次孔四韻寄懷元翁兄弟并致問毅甫

次韻元翁從王夔玉借書

學元翁作女兒浦口詩

去歲和元翁重到雙澗寺觀余兄弟題詩之篇總
忘收錄病中記憶成此詩

次韻周法曹遊青原山寺

次韻曾都曹喜雨

戲題曾處善尉廳二首

寄上高李令懷道

第十三卷

謝文灝元豐上文藁

讀方言

次韻秋郊晚望

次韻周德夫經行不相見之詩

歐陽從道許寄金橘以詩督之

次韻吉老十小詩

次韻吉老寄君庸

聞吉老縣丞按田在萬安山中

次韻喜陳吉老還家二絕

再次韻答吉老二首

太和奉呈吉老縣丞

次韻知命永和道中

次韻吉老知命同遊青原二首

次韻知命入青原山口

次韻吉老遊青原將歸

喜知命弟自青原歸

寄張宜父

送彥孚主簿

寄餘于徐隱甫

奉答李和甫代簡二絕句

贈王環中

戲和于寺丞乞王醇老米

答永新宗令寄石耳

贈朱方李道人

題前定錄贈李伯牖二首

靜居寺上方南入一徑有釣臺氣象甚古而俗傳
謬妄意嘗有隱君子漁釣其上感之作詩

高至言築亭于家園以奉親總其觀覽之富命曰

溪亭乞余賦詩余先君之敝廬望高子所築不過
十牛鳴耳故余未嘗登臨而得其勝處

題息軒

題神移仁壽塔

題海首座壁

題仁上座畫松

摩詰畫

追憶余泊舟西江事次韻

宮亭湖

元豐癸亥經行潭石寺見舊和栖蟾詩甚可笑因

削拊滅藁別和一章

第十四卷

夜發分寧寄杜澗叟

題杜槃澗叟冥鴻亭

過家

上冢

明叔知縣和示過家上冢二篇復次韻

次韻郭明叔長歌

詠清水巖呈郭明叔

次韻清水巖

題章和父釣亭放言

銅官縣望五松山集句

元豐七年甲子

是歲山谷過揚州泗州赴德平鎮到官當在夏秋之間

自咸平至太康鞍馬間得十小詩寄懷晏叔原并

間王稚川行李鵝兒黃似酒對酒愛新鵝此他日
醉時與叙原所詠因以為韻

寄家

古風次韻荅初和甫二首

次韻荅和甫廬泉水三首

和甫得竹數本于周翰喜而作詩和之

寄耿令幾父過新堂邑作廼幾父舊治之地

放言十首

送伯氏入都

渡河

送呂知常赴太和丞

別蔣穎叔

平原宴坐二首

同劉景文遊郭氏西園因留宿

第十五卷

奉送劉君昆仲

元豐八年乙丑

哲廟登極是歲春山谷猶在德平四月丁丑以秘書省校書郎召其到京

師在六七月間

和答莘老見贈

元祐元年丙寅

是歲山谷在秘書省十月丙戌除神宗實錄院檢討官集賢校理

以潞公所惠揀芽送公擇次舊韻

吏部蘇尚書右選胡侍郎皆和鄙句次韻道謝

奉同公擇作揀芽詠

今歲官茶極妙而難為賞音者戲作兩詩用前韻

公擇用前韻嘲戲雙井

又戲為雙井解嘲

奉同六舅尚書詠茶碾煎烹三首

與李公擇道中見兩客布衣班荆而坐對戲奕秋
因作一絕

六舅以詩來覓銅犀用長句持送舅氏學古之餘
復味禪悅故篇末及之

奉和公擇舅氏送呂道人研長韻

再和公擇舅氏雜言

次韻答王四

戲答仇夢得承制

戲答仇夢得承制二首

和任夫人悟道

暮到張氏園和壁間舊題

從人求花

贈陳師道

送六十五弟賁南歸

贈吳道士

同謝公定攜書浴室院汶師置飯作

謝人惠茶

懋宗奉議有佳句詠冷庭叟野居庭堅於庭叟有
十八年之舊故次韻贈之

古意贈鄭彥能八首歌

子瞻題狄引進雪林石屏要同作

送張材翁赴秦食

元祐二年丁卯

是歲在秘書省兼史局
正月辛未除著作佐郎

題陽關圖二首

題歸去來圖二首

題畫鵝鴈二首

題老鶴萬里心

題韋偃馬

答王道濟寺丞觀許道寧山水圖

第十六卷

和劉景文

奉謝劉景文送團茶

謝景文惠浩然所作廷珪墨

同景文文詠蓮塘

送劉道純

送薛樂道知鄖鄉

寄朱樂仲

贈陳元興祠部

元祐三年戊辰

是歲在秘書省兼史局正月東坡知貢舉山谷為參詳五月詔新除著作

郎黃庭堅依舊著作佐郎以御史趙挺之所論故也

松下淵明

老杜浣花谿圖引

戲和舍弟船場探春二首

次韻舍弟題牛氏園二首

急雪寄王立之問梅花

又寄王立之

王立之以小詩送並蒂牡丹戲答

從王都尉覓千葉梅云已落盡戲作嘲吹笛侍兒
次韻李士雄子飛獨遊西園折牡丹憶弟子竒二
首

和曹子方雜言

謝曹子方惠二物二首

送高士敦赴成都鈐轄二首

次韻子瞻送穆父二絕

和子瞻內翰題公擇舅中丞山房

題子瞻書詩後

戲贈高述六言

戲題大年防禦蘆鴈

避暑李氏園二首

次韻胡彥明同年羈旅京師寄李子飛三章一章道其困窮二章勸之歸三章言我亦欲歸耳胡李

相甥也故有櫝椰之句

與胡彥明處道飲融師竹軒

謝送宣城筆

王彥祖惠其祖黃州制草書其後

送徐景道尉武寧

杜似吟院二首

歲寒知松柏

效進士作觀成都石經

送曹子方福建路運判兼簡運使張仲謀

第十七卷

戲贈曹子方家鳳兒

次韻子瞻書黃庭經尾付蹇道士

何氏悅亭詠柏

次韻答少章聞鴈聽雞二首

伯父祖善耆老好學於所居紫陽溪後小馬鞍山
為放隱齋遠寄詩句意欲庭堅和之幸師友同賦

率爾上呈

元祐四年己巳

是歲在秘書省兼史局

題李十八知常軒

次韻奉答吉隣機宜

題劉所藏展子虔感應觀音二首

李濠州挽詞二首

元祐五年庚午

是歲在秘書省兼史局

寄忠玉提刑

紹聖元年甲戌

元祐六年六月山谷在館中丁母憂至八年七月除神宗正史編修官九月

月服除具辭免除知宣州又除知鄂州十二月以臺諫官言實錄院修先帝實錄詆熙寧以來政事乞行

竊黜詔黃庭堅責授涪州別駕

黔州安置二年四月到黔州

次韻元日

題大雲倉達觀臺二首

元符元年戊寅

是歲山谷在黔州是春以避外兄張向之嫌遷戎州

送曹黔南口號

元符三年庚辰

是歲徽廟登極山谷在戎州五月復宣義郎監鄂州在城鹽稅

十四弟歸洪州賦莫如兄弟四章贈行

以虎臂杖送李任道二首

題王居士所藏王友畫桃花二首

碾建溪第一奉邀徐天隱奉議并效建除體

再作答徐天隱

重贈徐天隱

以十扇送天隱

建中靖國元年辛巳

是歲正月自江安出峽三月準告復奉議即知舒州四月至荆

南又準尚書省劄子已降告命除吏部員外郎乘馬遙發來赴闕再具辭免乞太平州

戲呈田子平六言

荊州即事藥名詩八首

崇寧元年壬午

是歲山谷在荊南待命六月領太平州事九日而罷

太平州作二首

送昌上座歸成都

崇寧三年甲申

崇寧二年十一月山谷以荊南所作承天塔記謫宜州是歲自潭州歷衡

永全州靜江府以趨貶所

長沙留別

贈花光老

題花光為曾公卷作水邊梅

山谷外集詩注原目

欽定四庫全書

山谷外集詩注卷一

宋 黃庭堅 撰

史 容 注

溪上吟

并序 山谷生千慶歷五年乙酉至嘉祐六年辛丑年十七據黃耆年譜載趙伯山

中外舊事云山谷少有詩名在葉縣大名德州德平詩已卓絕後以史事得罪陳留偶自編退聽堂

詩初無意盡去少作胡直孺少汲建炎初帥洪并為山谷類詩文為豫章集命洛陽朱敦儒山房李

彤編集而洪炎王父專其事遂以退聽為斷以前好詩皆不收前後殊抵牾留嘗聞先人言先祖尚

書叔敖嘗編類詩文今家問中山谷晚年答書有云詩文久歎全寫寄亦為念九三七書字多誤故未能就獨恨所編為徐俯師川久假不歸遂無別本可據今豫章文集即洪氏所次而山谷平生得意之詩及嘗手寫者多在外集嘗改洪氏李氏舊編洪氏以古風二首為首不及古賦楚辭而李氏所編文集則第一卷首載古賦楚辭第二卷方及古詩乃以別李次翁為首而古風二章反寘卷末至外集第五卷題目之首獨注行役并雜體詩六字竟莫詳其綱目但分古詩律詩而于外集之末跋云彤聞山谷自巴陵取道通城入黃龍山為清禪師徧閱南昌集自有去取仍改定舊句彤後得本用以是正其言非予詩者五十餘篇彤亦嘗見于他人集中輒已除去其稱不用者安敢棄遺今外集十一卷止十四卷是也又于第十一卷後跋曰前集內休亭賦墨戲賦白山茶賦木之彬彬

悲秋演雅次韻答王慎中題張澄居士隱居三首
題少章寄寂齋謝從善司業送惠山泉送劉士彥
赴福建運判論語斷篇皆山谷
晚年刪去其去取據此而已

春山鳥啼新雨天霽

宋玉高唐賦遇天宇之新霽今觀百谷之俱集

草怒長

莊子春雨日時草木怒生僧善權詩桃李紛已華筍蕨俱怒長

竹篠交

陰

書篠蕩既敷篠小竹

黃子觀漁于塘下尋春于小桃源

從以溪童穉子畦丁三四輩

杜詩畦丁告勞苦

茶鼎酒

瓢淵明詩編雖不命戒未嘗不取諸左右臨滄

波拂白石詠淵明詩數篇清風為我吹衣好鳥

為我勸飲

歐陽公詩花能嫣然顧我笑鳥勸我飲非無情當其潏然無

所拘繫而依依規矩準繩之間自有佳處乃知

白蓮社中人不達淵明詩意者多矣

白蓮社在廬山晉太

元中鴈門正覺禪師惠遠卜居此山鑿二池種白蓮後以名其社社中含十八人遠師招淵明

入社淵明過酒肆則飲亦無量也然未始甚醉

蓋其所寓與畢卓劉伶輩同而自謂所得與二

子異人亦殊不能知之也酒酣得紙書之為溪

上吟

短生無長期

謝靈運詩章行短生旅長世恒覺白日歎
天台賦嗟人生之短期孰長年之能執

聊暇日婆娑

王粲登樓賦聊假日以消憂李善本作暇
日注云暇或作假離騷經聊假日以愉樂

補注云顏師古曰中心愁悶假延日月苟為娛樂耳
今俗言猶言借時度日言暇者非詩陳風婆娑其下出

門望高丘拱木漫春蘿

孟子拱把之桐梓注兩手所拱
左傳秦終公謂蹇叔爾墓之木

拱試為省鬼錄

魏文帝與吳質書云
觀其姓名已為鬼錄

不飲死者多歐公

古不飲

安能如南山

毛詩如南山之壽

千歲保不磨

退之送窮文吾立于

名百世

在世崇名節飄如赴燭蛾

漢婁護傳論議常依
名節選詩努力索明

德南史傅亮傳直宿禁中親夜蛾赴燭作感物
賦以寄意白樂天詩魚爛緣各餌蛾焦為撲燈及汝知

悔時萬事遂一窠

李太白詩昔日萬乘墳今成一科蓬又云蓬科馬鬣今已平

青青

陵陂麥妍煖亦已花

莊子儒以詩禮發冢小儒曰詩固有之青青之麥生于陵陂老杜詩

青螢陵陂麥

長煙淡平川

孟浩然詩微雲淡河漢

輕風不為波無

人按律呂

律歷志陽六為呂

好鳥自和歌

曹子建詩潛魚躍清波好鳥鳴

高杖藜山中歸

莊子原憲杖藜而出

牛羊在坡陀
本自無廊廟

王義

之傳報殷浩書

正爾樂澗阿

淵明詩御冬足大布羅綿以應陽正爾不能得哀哉

曰吾素無廊廟
亦可傷洪駒父詩話稱山谷云淵明詩云正賴古人書
正爾不能得正宜委運去皆當時語而或者改作上賴

古人書止爾不能得甚失句

念昔揚子雲刻意師孟軻

法詩考槃在澗考槃在阿

狂夫移九鼎深巷攷四科亦有好事人時能載酒過無

疑舉爾酒定知我為何

楊雄字子雲其贊云雄三世不從官及王莽篡位談說之士用

符命稱功德獲封爵者甚衆雄復不侯人希至其門時
有好事者載酒看從游學四科謂德行言語政事文學
而四科字見論語正義退之詩過酒即酩酊
君知我為誰莊子云刻意尚行離世異俗

清江引

時年十七

江鷗搖蕩荻花秋

老杜詩搖蕩荻花秋期樂
天詩楓葉荻花秋瑟瑟八十漁公百

不憂

杜詩吾知徐公百不憂

清曉采蓮來盪漿

樂府有采蓮曲
杜詩不有小舟能

盪漿百壺那

夕陽收網更橫舟羣兒學漁亦不惡

晉謝道韞

傳王郎逸老妻白頭從此樂全家醉著蓬底眠

唐韓偓詩漁翁

少子不惡醉著無人喚過午醒來雪滿船南唐近事史虛白詩風雨揭鄧屋渾家醉不知杜荀鶴詩山雨溪風卷釣絲瓦甌篷底獨斟時醉來睡著舟在寒沙夜潮落無人喚流下前溪也不知

次韻叔父聖謨詠嬰遷谷

鴉舅頗強聒

莊子天下篇強聒而不含者也陸龜蒙桃葉詩云行歌每依鴉舅影影挑頻時見鼠姑

心按本草牡丹一名鼠姑用之去心以類推之則鴉舅亦當是一種草木之名山谷特借鴉舅字以名鴉耳

僕姑常勃篋

歐陽公詩云病識陰晴似勃姑又云天雨止鴉呼婦還鳴且喜勃姑僕姑皆鴉也米

元章畫史又稱勃鴉莊子曰室無空虛則婦姑勃篋注勃篋爭處也

黃鳥懷好音

周南葛覃云黃

鳥于飛注搏黍也陸璣疏云黃鳥黃鸝留也或謂之黃栗留幽州人謂之黃鸝一名倉庚一名商庚一名鶯

一名楚雀齊人謂之搏黍卽國風凱風云睨睨黃鳥載好其音檜國風匪風云懷之好音秋菊染春

衣西京雜記黃鸝下太液池上為歌曰黃鸝飛兮下建章金為衣今菊為裳太白大鵬賦豈比夫蓬萊之黃

鸝諺金衣嚶嚶求朋友小雅云伐木丁丁鳥鳴嚶嚶又云嚶其鳴矣求其友聲憂

患同一枝莊子逍遙篇鷦鷯巢于深林不過一枝提壺要酤我杜宇賦式

微梅聖俞四禽言子規云不如歸去春山雲暮提壺云提壺蘆沽美酒子規一名杜鵑蜀王本紀杜宇為望

帝亡去化為此鳥伐木云有酒酤我黃鳥在幽谷詩出無酒酤我邶國風式微式微胡不歸

谷韜光養羽儀嵇康詩靈鳳振羽儀易曰鴻漸于陸其羽可用為儀晴風曜桃李

退之寄盧全詩云 言語自知時先生丘中隱喬木見雄
偶逢明月曜桃李

雌引子遷綠陰相戒防禍機文選鮑明遠苦熱行生軀蹈死地昌志登禍機李善

注引莊子曰其發若機括司馬彪曰禍敗之
來若機括之發班固漢書述曰禍如發機 李杜死刀

鋸後漢李固杜喬皆為梁冀所害死獄中 陳張怨棄遺
李膺杜密死于黨錮時人亦稱李杜焉

前漢張耳陳餘相與為刎頸交後有隙餘相趙漢
遣耳與韓信破趙斬餘詩將安符樂毒予如遺 不如

聽黃鳥永晝客爭碁

次韻十九叔父臺源黃氏年譜山谷叔父諱襄字聖謨自號臺源先生此數詩

皆是聚族居鄉日所作凡諸父昆弟相與題詠
賡唱不可繫以歲月者悉附于早年鄉居之作

聞道臺源境鋤荒三徑通

陶淵明歸去來辭三徑就荒
松菊猶存杜詩葵荒欲自鋤

人曾夢蟻穴

詳見後宿觀音院詩注用異
閑集淳于夢入槐安國事

竊亦怕雞籠

用晉嵇紹鶴處雞羣之意李白送趙四序
趙少翁亦雞栖鶴籠不足以窘束鸞鳳耳

萬壑秋聲別

千江月體同

心珠道場儀千江同一月萬戶盡皆春以
言賓頭尊者應四天下供王荆公詩日入

千江體不分道人非復世間人

須知有一路不在白雲中

叔父釣亭

檻外溪風拂面涼四圍春草自鋤荒

杜詩草茅無徑欲
自鋤又云葵荒欲

自陸沉霜髮為鉤直

史記滑稽傳東方朔歌曰陸沉于
俗避世金馬門楚辭曰以直針而

為釣維何魚之能得盧仝詩人柳貫錦鱗綠餌香石鼓文其

魚維何維鱖與鯉何以貫之維揚與柳呂氏春秋善釣者出魚乎十仞之下餌香也韓文公詩鳥下見人寂魚

來聞餌香影落華亭千尺月東坡答文與可詩云世間亦有千尋竹月落庭空影許長詳見

集中簣簩夢通岐下六州王太公釣于渭濱而遇文王帝王世紀曰諸侯歸周者

六州文王不失臣節合六州之諸侯以朝紂毛詩芣苢毛義曰文王平六州武王平天下史記周紀曰自岐下

而從麒麟卧笑功名骨杜詩江上小堂巢翡翠花邊高冢卧麒麟王荆公詩螻蟻往還

空壘斷麒麟埋沒幾春秋功名蓋世知誰是氣力迴天到此休江西宗派僧善楷詩君看功名骨千載同古丘

不道山林日月長白樂天詩遠處塵埃少閒中日月長

巖下放言五首

文選陸士衡有連珠五十首山谷效其體而更其名曰放言也文選

注云連珠者假托衆物以諷諭漢章帝時班固賈逵已有此作唐元微之亦有放言詩白樂天序曰元九在江陵時有放言長句詩五首韻高而體律意古而詞新

釣臺

林居野處而貫萬事

韓退之送李愿歸盤谷序窮居而野處升高而望遠花落鳥

啼

楊太真傳明皇云鳥啼花落水綠山青

而成四時

堯典以閏月定四時成歲

物有才

德

木有不材驥稱其德若此類也

水為官師

書云官師相規工執藝事以諫言水如官師有相規

正之義也荀子曰孔子觀于東流之水子貢問於孔子所以見大水必觀焉何也孔子曰夫水柔而無為也似

德其浩浩乎不屈似有過其赴百仞之谷不懼似勇主
量必平似法盈不求樂似正發源必東似志是以君子
見大水必觀焉大戴空明湛羣木之影退之祭李使君
禮及家語皆有此段

明搏擊下諸峯之巖言鷹隼之屬游魚靜而知機君子樂而

忘歸

池亭

水嬉者游魚林樂者啼鳥

文選西京賦命舟牧為水嬉莊子天運篇林樂而無形杜

詩水深魚極樂林茂鳥知歸

志士仁人觀其大

論語志士仁人無求生以害仁新翁

笥婦利其小

詩魚麗于留毛云寡婦之笥也

有美一人

詩野有蔓草有美一人清揚婉

獨燕居萬物之表

冠鰲臺

石生涯于寒藤藤考造于崖樹

考者造德不降考老造成也

鰲插翼

而成鵬

列子歸墟中有五山帝使巨鰲十五戴之且用莊子鯤化為鵬之意

隘六合而未

翥

文選曹子建七啓云若陝六合而隘九州

我來兮自東

幽風東山云我來自東零雨其濛

攀桂枝兮容與

九歌云聊逍遙兮容與招隱士云攀援桂枝聊淹留

倚嵌巖兮顧

同來謂公等其皆去

漢高祖公等皆去吾亦從此逝矣

博山臺

石蘊璵璫山得其來之澤

文選文賦石蘊玉而山輝魏文帝書魯之璵璫莊子童土

之地日莫得其來之澤

木無犧象天開不材之祥

莊子曰百年之木破爲犧樽青

黃而文之其斷在溝中比犧樽于溝中之斷則美惡有間矣其于失性一也禮記犧象周尊也左傳犧象不出門不材之木亦見莊子韓文凡物之生不願爲材犧象青黃乃木之災屹金爐之突兀其

山海之來翔

謂飛來萃也

然以明哲之火熏以忠信之香

李文

饒黃治賦充舜之化大道爲爐中和爲治聲教爲橐文明爲火俯仰一時非智所及付

與萬世其存者長

靈椿臺

蒼苔古木相依澗壑之濱黃葛女蘿

詩類并葛與女蘿施于松柏爾雅唐

蒙女蘿女蘿兔絲

自致風雲之上

史記范雎傳不意君能自致青雲之上

人就陰

而息迹

莊子漁父篇人有畏影惡迹而去之走者舉足愈數而迹愈多走愈疾而影不離身不知處陰

以休影愚亦甚矣

鳥投暮而來歸水影林光常相助發溪聲谷

響直下稱提

寄傳君倚同年

君倚名肩娶山谷從姑詩中有方策名之句附丁未歲

有情清江水東下投豫章故人江上居不寄書一行

杜詩

相看過半百不寄一行書

相思對明月

李白詩相思如明月可望不可攀

談笑如清

光向風長歎息孤鴈起寒塘

杜詩鳥影度寒塘

傾寫鬱結懷楚辭

遭沈濁而汙穢兮

因之東南翔

文選休上人詩桂水日千里因之平生懷太白

獨鬱結其誰語

因之東南翔

文選休上人詩桂水日千里因之平生懷太白

嘗用此語寄魯中二子云
裂素寫遠意因之汝陽川

姑氏有淑質

見孟子註疏題辭

幽林蘭

靜芳願因奉箕帚

漢高紀願為箕帚妾

蘋藻羞烝嘗

米蘋米藻見詩召南凡祀

始殺而嘗閉蟄而烝見左傳左
氏蘋蘩藻藻之菜可羞于王公

念君方策名

退之感二鳥賦況策

名于薦書

要津邁騰驤

選詩何不策高足先據要路津西京賦乃奮翅而騰驤杜詩此豈有意仍

騰引車入里門

萬石君傳諸子入里門趨至家

觀者塞路旁

玉臺新詠詩云兄弟

雨三人中子為侍郎五日一來卿道
上自生光黃金絡馬頭觀者滿路旁

雖雖求匹好羔鴈

委潘楊

詩雖雖鳴鴈注雖鴈聲和也納米用鴈文選潘安仁作楊仲武詩云潘楊之睦有自來矣

顧惟蓬茅陋

禮記儒行簞門主齋蓬戶甕牖

豈能屈東牀

東牀見晉王羲之傳 眷

言南鳴鴈

毛詩瞻言顧之謝靈運詩眷言懷君子沈痛切中腸

七子伊在桑

曹國風鴈

鴈在桑其子七兮

幸緣一日雅結好永不忘

谷永傳無一日之雅左右之介

答德甫弟

鳥啼花發獨愁思

鳥啼花發見前注

憐子三章怨慕詩

孟子曰怨慕也

鴻鴈雙飛彈射下脊令同病急難時

詩常棣脊令在原兄弟急難

功

名所在猶爭死

後漢姜肱與弟季江夜遇盜盜殺之兄弟爭死盜兩釋之

意氣相須

尚不移

文選輕死重氣結黨連羣意氣相傾山可移

極天無以報

詩敬報之德昊天罔極

林回授璧負嬰兒

莊子山木篇林回棄

千金之璧負赤子而趨○原注云時以父事兄弟俱在縲紲

贈元發弟放言

虧功一簣未成丘山

旅葵為山九仞功虧一簣論語子曰譬如為山未成一簣止吾止也

譬如平地雖覆一簣進吾往也

鑿井九階不次水澤

孟子曰有為者譬如掘井掘井九仞

而不及泉猶為棄井也

行百里者半九十

戰國策語云行百里者半于九十此言末路之

雖

小狐汔濟濡其尾

易未濟亨小狐汔濟濡其尾注云小狐不能涉大川須汔然後乃能

濟懌文汜許訖反說文云水涸也史記春中君
傳易曰孤淡水濡其尾此言始之易終之難故曰時

平時不再來終終始始是謂君子

史記李斯傳趙高曰時乎時乎間不及謀

羸糧躍馬惟恐後時國語范蠡曰得時無
急時不再來淮陰侯傳時乎時不再來

清明

佳節清明桃李笑

本事詩博陵崔護清明獨游都城南
得居人莊酒渴扣門求飲有女子以

盂水至倚小桃佇立而意屬殊厚來歲清明往尋之門
庭如故而扁鎖之因題詩曰去年今日此門中人面桃

花相映紅人面不知何處去桃花依舊笑春風李義山
李花詩自明無月夜強笑欲風天又嘲桃詩無賴天桃

面平明露井東春風
為開了卻擬笑春風野田荒壠只生愁雷驚天地龍蛇

蟄謂已過驚蟄節

雨足郊原草木柔人乞祭餘驕妾婦孟子所稱齊人

乞墻問之祭歸而驕其妻妾以言清明上冢

士甘焚死不公侯陸剏鄴中記寒食斷火起

于子推據史記左傳無介推被焚事周禮司烜仲春以木鐸修火禁則禁火蓋周之舊制賢愚千載

知誰是滿眼蓬蒿共一丘李白詩藜藿不滿眼又仰天大笑出門去我等豈是蓬蒿

人漢楊惲傳古與今同一丘之貉師古曰言其同類也

何造誠作浩然堂陳義甚高然頗喜度世飛昇之

說築屋飯方士願乘六氣遊天地間故作浩然詞

二章贈之

公欲輕身上紫霞

黃庭經上清紫霞虛皇尊陸士衡樂府前緩聲歌有輕舉乘紫霞李太白

古風至人洞元象高舉凌紫霞

瓊應玉饌厭豪奢

離騷經云精瓊舉以爲根應音康吳都賦

珠服

百年世路同朝菌

莊子朝菌不知晦朔

九鑰天關守夜叉

楚辭

招魂曰虎豹九關啄害下人些盧仝詩夜叉當晝不啓關夜半醺祭夜半開東坡詩玉川何日朝金闕白晝關

門守

霜檜左紐空白鹿

寰宇記譙縣太清宮有檜樹鹿跡存焉范文正公太清宮九詠

序左紐檜其一也石曼卿詩引太清記云老子手植此檜根株枝幹皆左紐

金爐同契漫丹

砂魏伯陽撰參同契其書論丹砂秘訣白樂天詩漫把參同契難燒伏火砂

要令心地閒如

水萬物浮沈共我家

楞嚴經當平心地則世界地一切皆平莊子自其異者視之肝胆楚

越也自其同者觀
之萬物一家也

萬物浮沈共我家清明心水徧河沙
傳燈錄張拙頌云
光明寂照徧河沙

凡聖含靈無鉤狂象聽人語
佛遺教經汝等當好制心
心之可畏甚于毒蛇惡獸

怨賊大火越逸未足喻也譬如狂象無鉤猿猴得樹騰
躍踴躑難可禁制當急挫之無全放逸縱此心者喪人

善事唐嚴叔敖教與善寺大空智不廣三藏碑西城隘巷
狂象奔突以慈眼視之不旋踵而象伏不起權載之為

作偈諷直言而海風恬
息結祕印而狂象調伏露地白牛看月斜
傳燈錄大安
禪師曰安在

瀉山三十年只看一頭水牯牛若落路入草牽出若犯
人苗稼即鞭撻調伏既久受人言語如今變作箇露地

白牛常在面前終日
露迴迴地趕亦不去
小雨呼兒藝桃李踈簾幃客轉琵琶

琵琶塵塵三昧開門戶不用丹田養素霞
華嚴經有利利
塵塵第十會祖
庭事苑三昧者三之曰正昧之曰定亦云正受謂正受
不亂能受諸法黃庭經迴紫抱黃入丹田唐道士吳筠
步虛詞絳樹結丹實紫霞汎碧津以茲保童嬰永用
超形神詩意勸以釋氏三昧勿學道家修養之法

徐孺子祠堂

喬木幽人三畝宅

詩出自幽谷遷于喬木寰宇記洪州
南昌縣徐孺子宅在州東北三里孺

子美梅福之德
于福宅東立宅

生芻一束向誰論

詩生芻一束其人如
玉後漢徐穉傳郭林

宗有母憂釋往弔之置
生芻一束于廬前而去

藤蘿得意干雲日

後漢下鴻傳
干雲蔽日之

木起于
楚青

簫鼓何心進酒樽白屋可能無孺子

家語周公
居冢宰之

尊下白屋之士文選樂府云黃堂不是欠陳蕃本傳陳蕃為太

周公下白屋吐哺不及餐

黃堂不是欠陳蕃

本傳陳蕃為太

守不接賓客惟稱來特設一榻後漢郭丹傳以丹事編

署黃堂以為後法注黃堂太守之廳事雞跖集荊州太

守所居堂以數遭火古人冷淡今人笑湖水年年到舊

因塗雌黃故曰黃堂

古人冷淡今人笑湖水年年到舊

痕杜詩江流

痕杜詩江流

思親汝州作

此詩與還家呈伯氏同意又按黃氏年譜載玉山汪氏有山谷此詩真蹟

題云戊申九月到汝州時鎮相富鄭公今詩言歲晚必是拘留至此時也而首句與集中不同云風

力霜威侵短衣

力霜威侵短衣

歲晚寒侵遊子衣

古樂府慈母手中線遊子身上衣臨行密密縫但恐遲遲歸

拘留

幕府報官移

呈伯氏詩云強趨手版汝陽城更責愆期被詔詰此事獨見于此兩詩

五更

歸夢三百里一日思親十二時

復齋漫錄云唐朱盡詩曰一別一千日一日十

二憶苦心無閒時今日見玉色乃知山谷五更歸夢三百里一日思親十二時之句取此

車上吐茵

元不逐

漢丙吉傳吉為丞相馭吏嗜酒數逋蕩嘗從吉出醉吐丞相車上西曹主吏白欲斥之吉曰以

醉飽之失去士使此人將復何所容西曹第忍之此不過汙丞相車茵耳遂不去也時富鄭公以前宰相判汝州詩意謂丞相初不以此為市中虎竟成疑

韓非子魏使龐

罪而或護之三人成虎耳

慈與太子質于邯鄲謂魏王曰今一人言市有虎王信之乎曰否兩人言王信之乎曰寡人疑之矣三人言王信之乎王曰寡人信之矣慈曰市之無虎明矣然三人言而成虎今即卿去大梁也遠于市而議臣者過于三

人願王
察之

秋毫得失闕何事總為平安書到遲

次韻戲答彥和

元注云彥和年四十棄官杜門不出

本不因循老鏡春江湖歸去作閒人

趙嘏詩早晚粗酬身事了水邊歸去

一閒人

天子萬物定貪我

莊子大宗師篇子桑曰吾思夫使我至此極者而弗得也父母

豈歎吾貪哉天無私覆地無私載天地豈私貧我哉

智效一官全為親

禮記司馬辨論官材

智效一官才宜稱職莊子逍遙篇云知效一官行比一鄉後漢毛義家貧以孝行稱張奉慕其名往候之坐定

而府檄適至以義守令義奉檄書動顏色奉心賤之辭去及義母死去官行服數辟公府公車徵不至奉乃嘆

曰賢者固不能測往日之喜乃為親屈也

布袋形骸增硯石

傳燈錄明州奉化縣布袋和尚

形裁服腋覺額鰭服眼烏罪反腋奴罪反意彥和肥僧
借以言之又前集荆江亭即事詩形骸彌勒一布袋蓋
屬張文潛文潛
素肥晚益甚
錦囊詩句魏清新
李賀小傳每旦日出
常從小溪如騎距虛

背古錦囊遇有所得投囊中暮歸足
成詩杜詩清新庾開府俊逸鮑參軍杜門絕俗無行迹

相憶猶當遣化身

維摩詰經云維摩詰不起于座居衆
會前化作菩薩時化菩薩昇于上方

到衆香界禮彼佛足願得世尊所食之餘施行佛事故
諸大士見化菩薩歎未曾有即以問佛佛告之曰下方
有世界名娑婆娑佛號釋迦牟尼有菩薩名維摩詰為諸
菩薩說法故遣化來釋氏有法身化身報身又千百億
化身柳子厚詩若為化作
身千億徧上峯頭望故鄉

次韻裴仲謀同年

時仲謀為
舞陽尉

交蓋春風汝水邊客牀相對卧僧旣舞陽去葉綠百里

裴官于潁昌之舞陽
賤子與公皆少年
山谷時年二十四
白髮

齊生如有種
王荆公詩風光斷送朱顏去世事栽培
青

山好去坐無錢
唐符載乞買山錢于
煙沙篴竹江南岸

輸與鷓鴣取次眠
王元之詩滿眼碧波輸野鳥一蓑疎雨屬漁人梅聖俞詩愛閒輸白鳥盡

日立沙汀本草鷓鴣謂之水老雛

流民歎
據實錄熙寧二年正月判汝州富弼言唐節裏汝地廣不耕河北流民至者日衆若

盡給以閒田使獲生養實兩得其便云云此詩言河北災傷流民至葉縣間可見在葉縣作

朔方頻年無好雨

杜詩好雨知時節當春乃發生

五種不入虛春秋

漢

被傳秦時徐福入海多齋五種而行注五穀之種也月令首種不入

邇來后土中夜震有

似巨鼇復戴三山遊

列子五山之根不得暫峙帝使巨鼇十五舉首而戴之二山流于北

杜

傾牆摧棟壓老弱冤聲未定隨洪流地文劃剝水齧

沸

退之祭神文劃剝雲陰卷日月也剝力支切大雅瞻仰篇齧沸檻泉沸音拂

十戶八九生

魚頭

南史康絢傳進水瀑漲堰壞奔流于海殺數萬人怪物隨流而下或人頭魚身或龍形馬首退之月

蝕詩光呼大水浸十日不惜萬國赤子魚頭生蓋效玉川子詩天高日走沃不及但見萬國赤子鰓鰓生魚頭

也

稍聞澶淵渡河日數萬河北不知虛幾州累累極負

襄業問

襍頁其子見論語

問舍無所耕無牛

三國志劉備謂許汜云君求田問舍

言無可米此

初來猶自得曠土嗟爾後至將何怙退之桃源

借使其字

詩初來猶自念鄉邑歲久刺史守令真分憂老杜同元使君春陵

此地還成家詩無父何怙

詩序曰當天明詔哀痛如父母前漢西域傳武帝末年遂棄輪臺之地而下哀

子分憂之地

痛之廟堂已用伊呂徒謂富公已拜相也何時眼前見安堵杜詩

何時眼前突兀見此屋田單傳即墨即降願無虜掠疎

吾族家妻子全安堵漢高祖紀吏民皆按堵如故

遠之謀未易陳市上三言或成虎

注見前

禍災流行固無

時堯湯水旱人不知

左傳天災流行國家代有漢食貨志堯有九年之水湯有七年之旱

桓侯之疾初無證扁鵲入秦始治病

史記扁鵲傳扁鵲遇齊謂桓侯曰君

有疾在湊理不治將深桓侯曰寡人無疾後五日復見曰疾在血脉桓侯不應後五日復見望見桓侯而走

投膠盈菊俟河清

抱朴子云寸膠不能理黃河之水左傳云周詩有之俟河之清人壽幾何

一簞豈能續民命

孟子一簞食一豆羹得之則生弗得則死南史劉懷珍族弟善明青州饑

善明有積粟開倉以賑鄉里多獲全濟百姓呼其家田為續命田雖然猶願及此春略

講周公十二政

周禮地官司徒以荒政十有二聚萬民一曰散利二曰薄政云云詩意謂扁鵲

已去而始治病固無及矣以一簞食一瓢飲而救民死言賑濟無益也雖如此而及今春謂荒政猶庶幾焉

風生羣口方出奇

趙廣漢見事風生史記白起贊料老敵合變出奇無窮陳平六出奇計老

生常談幸聽之

三國志管輅傳鄧騭曰此老生常談

次韻寄滑州舅氏

據國史熙寧三年四月壬午右正言李常落祕閣校理降太常

博士通判滑州今附是年

舫齋聞有小溪山便是壺公謫處天

後漢費長房傳長房為市掾吏有老

翁賣藥縣一壺市罷跳入壺中市人莫見惟長房見之

因往再升翁與供入壺中惟見玉堂嚴麗旨酒甘肴盈

衍其中翁後曰我神仙之人以通見責事畢當去

子能相隨乎白樂天詩誰知市南北轉作壺中天想聽

瑣窻深夜雨

景福殿賦青瑣銀鋪注云似看葉水上江

船瞻相白馬津亭路

退士讀東方朔雜事詩瞻相北斗柄兩手自相接白樂天詩百吏瞻

相面千夫捧擁身滑州治白馬縣有黎陽津
亦曰白馬津鄭食其云守白馬之津是也
寂寞雙鳬

古縣前

明帝時王喬為葉令每朔望乘雙鳬入朝
今有墓在汝州葉縣汝滑皆京西隸北路舅氏

知甥最疎嬾

杜詩舊語疎嬾
叔須汝故相攜

折腰塵土解哀憐

時方作
尉故用

淵明五斗
米折腰事

張仲謀家堂前酴醾委地

仲謀
名詢

沈水衣籠白玉苗

急就章注云篝一名答亦以為熏籠
搜神記曰羊公雍伯性篤孝父母亡

葬無終山遂家焉山高無水公作義漿有一人就飲以
一斗石子與種之云玉當生其中種之得白璧五雙

不蒙湔拂苦無聊煩君斫取西莊柳扶起春風十萬條

李義山瀟陵柳色無離
恨莫枉長條贈所思

和答登封王晦之登樓見寄

縣樓三十六峯寒

李太白贈嵩山焦鍊師序云余訪道
少室盡登三十六峯按河南志河南

府永安縣少室山在縣西南七十里有三十六峯具列
其名王荆公詩三十六峯應好在寄聲多謝欲來遊

王粲登臨獨倚闌

文選有王仲
宣登樓賦

清坐一番春雨歇相思

千里夕陽殘詩來嗟我不同醉別後喜君能自寬

列子
善于

能自寬者也杜詩
老去悲秋強自寬

舉目盡妨人作樂

晉向秀傳始秀歆
注莊周書嵇康曰

此盡託復須注正
是妨人作樂耳

幾時歸得釣鯢桓

莊子應帝王篇鯢
桓之審為淵止水

之審為淵流水之審為淵淵有九名此處三高
音義云鯢桓魚名又云鯢鯨也桓盤也審處也

和答孫不愚見贈

詩比淮南似小山

文選有劉安石隱士一首注云淮南小山之竹作也稱大山小山猶詩有

大雅小雅

酒名麴米出雲安

杜詩聞道雲安麴米春終傾一盞便醺人坡詩麴米春香如舍

聞

且憑詩酒勤春事

老杜詩自知白髮非春事且盡芳樽戀物華

莫愛兒郎

作好官

劉知幾史通云師人有兒郎之稱

簿領侵尋台相筆

漢郊祀志侵尋于泰

山笑王維緒兄弟以文名當代語曰朝廷左相筆天下右丞詩台相當謂富鄭公

風埃蓬勃使

星鞍

文選吳都賦歟霧漉漉音蓬音勃潘安仁笙賦辭蓬勃以氣出此謂困于將迎使星見後漢李

命小臣才力堪為椽敢學前人便挂冠南史陶弘景掛冠神武門此數

語必
有為

睡起

髣髴江南一夢中虛堂盡日轉溫風月全季夏之月溫風始至春深

稍覺袂衣重

潘岳秋興賦藉芡薜御袷衣注袷衣無絮也杜詩地偏初衣袂荆公詩老病袂衣猶

怯冷春深貴酒漸聞香

晝永不知樽酒空

孔融云樽中酒不空

還家呈伯氏

元注云葉縣作○山谷年二十三治平四年丁未登進士第授汝州葉縣

尉明年改
元熙寧

去日櫻桃初破花歸來著子如紅豆四時驅迫少須臾

雨鬢飄零成老醜

纂異蜀本作四時略無一日閑雨鬢已落年少後老杜云親故傷老醜

永懷徃在江南日原上急難風雨後

注見前

私田苦薄王

稅多諸弟號寒諸妹瘦

退之進學解云冬煖而兒號寒

扶將白髮渡江

來

漢孝景王皇后傳云女逃匿扶將出拜樂府木蘭歌爺娘聞女來出郭相扶將

吾二人如左

右手

如失左右手見韓信傳又晉邵續傳續諫成都王討長次王云兄弟如手足

苟從祿仕

我遭回

屈原九歌云遭吾道兮洞庭注遭轉也陟連切惜誦云欲儻個以千條兮注儻知然切

且

慰家貧兄孝友強趨手板汝陽城

晉輿服志古者貴賤皆執笏主書君上之

教令後惟八座執笏其餘卿士但執手板示非記事官也謝安石與王坦之見桓溫坦之倒執手板韓退之贈張籍書上馬搯手板和盧郎中詩行抽手板付丞相更祭文云朱衣象板蓋唐人以笏為手板初無分別也

責愆期被訶詒

詩匪我愆期于無良媒

法官毒螫草自搖

西都賦蕩亡秦

之毒螫螫舒亦切

丞相霜威人避走

丞相謂富文忠公也按資錄熙寧元年二月判河陽

富弼判汝州明年二月富公復拜相山谷之官當是熙寧元年戊申蓋外集有詩其序云己酉三月按聞死者于舞陽壁間得往歲書思拂塵落筆之時觀者左右往歲即戊申也潘岳西征賦弛秋霜之威嚴流春澤之渥思山谷嘗云思親初到汝州時賤貧孤遠蓋如此此事鎮相富公以予到官逾期下吏賤貧孤遠蓋如此此事

端于我何有一囊粟麥七十錢

東方朔傳侏儒長三尺餘奉一囊粟錢二百四

十臣期長九尺餘亦奉一囊粟錢二百四十

五人兄弟二十口官如元亮且

折腰

晉書云陶潛字元亮來書云陶潛字淵明或云淵明字元亮南史云陶潛字淵明或云字深明名元

亮昭明太子作傳云陶淵明字元亮或云潛字淵明諸書皆云為彭澤令郡遣督郵至縣吏目應束帶見之潛

歎曰吾不能為五斗米折腰事鄉里小人解印去縣

心似次山羞曲肘

元結次山集有惡曲

一篇古人有惡曲者不曲臂以取物不曲膝以便坐纂異蜀本作忽與督郵較升斗北窗書冊久

不開筐篋黃塵生鎖鈕

賈誼疏云俗吏之所務在于刀筆筐篋而不知大體師古曰筐

篋所以盛書

何當略得共討論

論語世叔討論之

况乃雍容把杯酒

意氣敷腴貴壯年

鮑昭行路難云意氣敷腴在盛時不老杜詩兩公壯藻思思我色敷腴不

早計之且衰朽

莊子汝亦太早計韓文公詩豈將衰朽計殘年

安得短船萬里

隨江風養魚去作陶朱公

陶朱公養魚法見齊民要術

斑衣奉親伯

與儂

列女傳老萊子養二親行年七十著五色綵衣為小兒啼大業拾遺記帝嘲羅娘云幸好留儂伴成

夢不留儂住意如何帝自達廣陵多效吳語故稱

四方

上下相依從

退之醉留東野詩昔年因讀李白杜甫詩長恨二子不相從又云四方上下逐東野

雖有離別無由逢纂異蜀本作絕勝已致三千鍾

用舍由人不由己

論語為仁由己而由

人乎哉

乃是伏轅駒犢耳

戰國策驥伏鹽車而上太行負轅不能上田蚡傳今日廷論局

趣效轅

下駒

次韻時進叔二十六韻

時子河上園竹間開棟宇

繫辭云上

大兒勝衣冠小兒

豐頰輔

後漢禰衡傳大兒孔文舉小兒楊德祖史記三世家皇子賴天能勝衣趨拜檀弓云如不勝

衣萬石君傳云子孫勝冠者韓文始任戴冠易咸其輔頰古左傳穀也豐下必有後于魯國

嫁女與

朱公伏臘可稱舉

謂稱觴舉酒也漢楊惲傳歲時伏臘烹羊炮羔斗酒自勞白樂天詩養之

晨昏膳居無伏臘資

髮踈雖蒼浪

張鷟食載補遺云王能為洛陽全判婦人阿孟狀云阿孟身年

八十鬢髮早已蒼浪

齒嚼未齟齬

楚辭吾固知其齟齬而難入

雞棲牛羊下風

雞棲于埭日之夕矣牛羊下來

各自有室處

杜詩牛羊下來久各自閉柴門詩入此室處左傳魏

絳曰民有寢廟獸
有茂草各有攸處
四牆規摹小易守
若滕莒舍前花木

深唐常建詩竹徑通
幽處禪房花木深
春物麗觀觀舍後
曲池蛙楚辭坐

臨曲齋堂風月苦
盧全詩使君豈此
不足歟退之詩擺

我豈不歎歲不我與
論語陽貨謂孔子
曰日月逝矣歲

冉歲不客宦孤雲耳
狄仁傑登太行山
未知秦吳楚向

來千駟公果媿一丘土
論語齊景公有馬
千駟死之日

君今為寧當損軒昂
退之聽琴詩聊欲
效俯偃左傳正

丘山土命茲益共故
其鼎銘曰一命時
子听然笑上林賦
亡是公听然而笑

吾已悟倉鼠

史記李斯傳斯年少時為郡小吏見吏舍廁中鼠食不潔近人大數驚恐之斯入倉

觀倉中鼠食積粟居大廡之下不見人大之憂斯歎曰人之賢不肖如鼠矣在所自處耳乃從荀卿學帝王之

術

少猶守章句晚實愛農圃

論語吾不如老農吾不如老圃鵲巢最知

風蟻穴識陰雨

漢翼奉傳巢居知風穴處知雨文選世張茂先詩巢居知風寒穴處識陰雨

網事諳委

文選詩世網嬰我身退之與柳中丞書與賊不相諳委

醉鄉俗淳古

唐王

績醉鄉記其末云醉鄉之俗豈古華胥之國乎何其淳寂也

生忘兩家說肉堅與腸

腐

莊子曰坐忘矣杖乘七發云甘脆肥濃命曰腐腸之藥晉孔羣傳羣嗜酒王導戒之曰卿不見酒家覆甌

布日月久糜爛即答曰公不見肉糟酒淹更堪久耶

酒至即使傾杜詩每過客來

敢辭宴

曲禮云客散臨主人辭以宴

時邀五柳陶

陶潛集有五柳先生傳

共過

三徑詔

漢書鮑宣傳後載自成帝立王莽清名之士十人蔣詡元卿為兗州刺史以廉直為名王莽

君攝以病免官歸鄉里卧不出戶陶淵明集有聖賢羣輔錄云求仲羊仲皆性廉逃名蔣元卿之去兗州還杜

陵荆棘塞門舍中有三徑惟二人從之遊時人謂之二仲見稽康高士傳

往在少年場

漢尹賞傳

賞字長安全雜舉輕薄少年惡子殺數百人瘞寺門桓東長安中歌之曰安所求子死桓東少年場生時諒不謹枯骨後何葬樂府有結客少年場行蓋出于此

豪氣壓穎汝

晉周顗傳汝穎固多奇士祖納

傳汝穎之

士利如雉

借令今尚爾真復難共語稍知憐麴蘖

退之詩高

士例須憐麴蘖丈夫終莫生畦畛字

漸解等灘漣

元注云水

本出說命書若作酒醴爾惟麴蘖

自河出為灘自濟出為澁見爾雅釋水如左太沖魏
都賦清酤如齊濁醪如河以澁澁之水而辨酒味也朋

友半山阿光陰共行旅李太白宴桃李園序夫天地者萬物之送旅光陰者百代之通

客
人故義當親衣故義當補古艷歌曰乳乳白兔東走西顧衣不如新人不如故

後漢竇玄舊妻與玄書別
曰衣不厭新人不厭故
飛鳧王令尹後漢王喬傳為葉令有神術每

月朔望常自縣詣臺朝顯宗怪其來數而不見車騎密
令伺之言其臨至輒有雙鳧從東南飛來于是候鳧至

舉羅張之但得一雙鵠乃詔尚方診
視則四年中所賜尚書官屬履也
期我向君所君為

拂眠牀南史魚弘傳有眠牀一張皆是寢柏
淹留暮城阻唐歐陽詹初發太原途中寄太

原所思云高城已不見況復城中人
左傳不腆敝邑為從者之淹留久也

寄黃從善

從善名降元豐末為國子司業山谷有謝惠山泉詩後為御史中丞此詩言鳥

飛葉縣宰乃先作

今附葉縣詩後

故人千里隔談經想見牛刀刃發硎

注見前

渴雨芭蕉心

不展

文選謝靈運詩折麻心莫展此借用

未春楊柳眼先青

白樂天楊柳枝詞云葉含

濃露如啼眼枝媚輕風似舞腰

鳥飛葉縣郎官宰

後漢書郎官出宰百里

虹貫江

南處士星

帝王世紀瑤光之星貫日如虹史記荊軻傳白虹貫日晉陸逸謝敷傳初月犯少微火微

一名處士星占者以隱士當之譙國戴逵有美才或憂之俄而數死此語不知謂誰

天子文思求

逆耳

杜牧詩文思天子復河湟漢張良諫高祖云忠言逆耳利于行苦口毒藥利于病

吾宗一

爲試雷霆

漢賈山傳人主之
威非特雷霆也

山谷外集詩注卷一

欽定四庫全書

山谷外集詩注卷二

宋 黃庭堅 撰

史 容 注

薛樂道白南陽來入都留宿會飲作詩餞行

葉縣蓋南

陽入京之路又有送薛樂道知鄆鄉詩有黃山葉縣連牆居之句此詩當是葉縣作

薛侯本貴曹射策一矢中

漢書儒林傳贊曰設科射策勸以官祿易旅之六五曰射

雉一矢亡此倣其語左傳王召養由基與之兩矢使射呂錡中項伏弋以一矢復命注云一發而中孔安國尚

書傳曰曹長也公卿之子為曹子

金蘭託平生

易大傳二人同心其利斷金同心之言其臭如

蘭劉孝標廣絕交論云自昔把臂之英金蘭之友

瓜葛比

諸從後漢禮儀志上陵儀法苟先帝

有瓜葛之屬男女畢會晉王導傳導與其子悅奕恭爭道導笑曰相與有瓜葛那得為爾耶

數面尚

成親

淵明集答龐參軍詩序云俗謗曰數面成親沉情過此者乎

沉乃居連棟交游

及父子講學連伯仲奴人通使令孩稚接戲弄相憐負

米勤

家語子路見于孔子曰昔者由也事二親之時常食藜藿之實為親負米百里之外親歿之後南游

于楚從車百乘積粟萬鍾累茵而坐列鼎而食願欲食藜藿為親負米不可復得也

同力采蘭供

文選東廣微補亡詩南陔孝子相戒以養也循彼南陔言采其蘭春戀庭聞心不遑安退之作孟先生詩云采

蘭起幽念亦用此事蓋孟郊每持君家書平安觀款縱

有母也供謂供養其父母

顏師古匡俗正謬云今官曹文案于紙縫工記之曰款縫何也答曰此語出魏晉律令字林本作鐵鐵刻也古者簿顧皆用簡牘其編連之處于縫上刻記之呼為鐵縫今紙縫上書名猶取舊語呼為款

吾炙憂樂一體共

孟子曰者秦人之炙無以異于者吾炙

釋之廷尉曹微

過成繫訟從此張長公不肯為時用

張釋之傳釋之為公車令刻太子不

下司馬門不敬後拜廷尉景帝立釋之忠用王生計景帝不過也歲餘為淮南相猶尚以前過也其子摯字長公官至大夫免以不能取容當世故終身不仕陶淵明集有張長公詩云遠哉長公蕭然何事李白詩聖朝久棄青雲士他日丘阿無梧桐曲直不在鳳

大雅卷阿云鳳凰鳴矣于

彼高岡梧桐生矣于彼朝陽箋云鳳凰鳴于山脊之上居高視下觀可集止喻賢者待禮乃行翔而後集生

涯谷口耕

揚子法言曰谷口鄭子真耕乎巖石之下世事邯鄲夢異聞集道者呂翁經

邯鄲道上邸舍中有少年盧生自歎其貧因言訖思寐時主人方炊黃粱為饌翁乃探懷中枕以授生枕兩端

有竅生夢中自竅入其家見其身富貴五十年老病而卒欠伸而寤顧呂翁在旁主人炊黃粱尚未熟自

君抱憂端

杜詩憂端齊終南潁洞不可撥

酒枕未忍鯢

自注云借用

高秋自

南歸意氣稍寬縱黃花尚滿籬白蟻方浮甕

文選謝朓詩綠蟻方

燭持注云釋名曰酒有

私言助燕喜

魯頌云魯侯燕喜令妻壽母詩意謂

助其娛親之樂也

且莫戒輜重

老子曰終日行不離輜重輜重車也漢李陵傳召陵欲使為貳

師將霜風獵帷幕銀燭吐蟬螭郭璞山海經序云安汲郡竹書穆天子傳穆

王見西王母取其玉石珍瑰之器金膏銀燭之寶今攷之穆王傳則云天子之寶玉果璿珠燭銀注云有精光

如燭鮑明遠芙蓉賦潤蓬山之瓊膏輝菴河密坐幸頗之銀燭鄴國風蛺蝶在東莫之敢指注虹也

歡文選曹子建書云得為密坐李善曰劇飲寧辭痛杜詩

忘形到爾汝疎鐘鳴曉撞小雨作寒霧廢馬蕭蕭鳴詩

馬在廢又征人稍稍動九衢槐柳中縱緩青絲鞵杜詩

青絲鞵虛朱樓豪士集謝朓詩迢迢起朱樓紅袖清歌送退之詩

送感河鯉獻鱸材江橙解包貢禹貢揚州厥包橘柚錫貢蟹擘鷺子

黃杜鵑兒黃似酒此借用酒傾琥珀凍杜詩春酒盃濃琥珀薄舉觴遙酌我

發嚏知見頌邯鄲國風云寤言不寐顧言則嚏箋云今俗人嚏云人道我此古之遺語也蓋寬饒云

母多酌我行行鞭筭倦短句煩屢諷

戲詠江南土風

十月江南未得霜高林殘水下寒塘飯香獵戶分熊白

酒熟漁家擘蟹黃世說蟹黃熊白橘摘金苞隨驛使文選壁賦披黃苞以

授相樂天詩浸月冷波千頃玉苞霜新橘萬株金荊州記陸凱與范蔚宗詩折梅逢驛使永春玉粒

送官倉洪範惟辟王食戰國策粒米如玉杜詩碧酒隨玉粒杜牧之阿房宮賦釘頭磷磷多于在庾之

粟踏歌夜結田神社踏歌近代曲也張說劉禹錫皆有

云踏踏歌藍采和異聞集載邢鳳之子夢一美人歌踏陽春之曲退之詩麥苗含穉桑生稭共向田頭樂社神

游女多隨陌上郎樂府解題說邯鄲女子姓秦名羅敷為王仁妻仁事趙王為家令羅敷採

桑陌上趙王見而悅之置酒將奪焉劉夢得詩溫舟游女滿中央採菱不顧馬上郎

弈碁二首呈任公漸

偶無公事負朝暄韓文丞廳記云余方有公事子姑去負暄見列子三百枯碁

共一樽枯碁三百孰與萬人將見文選博弈論坐隱不知巖穴樂手談勝

與俗人言語林曰王中郎以圍碁是坐隱支公以碁為手談司馬子長報任少卿書云此可與知者

道難為
俗入言

簿書堆積塵生案

人間多事堆案盈几見嵇康書

車馬淹留客

在門戰勝將驕疑必敗果然終取敵兵翻

項羽傳宋義諫曰戰勝而

將驕卒惰者
敗今少惰矣

偶無公事客休時席上談兵校

一作角

兩慕心似蛛絲游

碧落

樂天長恨歌上
碧落下黃泉

身如蜩甲曳枯枝

退之聯句化蟲
枯槁莖言蟬也

蟬亦曰蜩詩五月鳴蜩也詩詩者謂山谷此二句則苦
思忘形較勝負于一著與王荊公措意異矣荊公詩云

莫將戲事擾真情且可隨緣道我贏
戰罷兩奩收墨白一枰何處有虧成
湘東一目誠甘死

尚史王偉為侯景謀主偉作檄云項羽重瞳
尚有烏江之敗湘東一目寧為赤縣所歸

天下中分

尚可持

史記高紀項羽與漢王約中分天下

誰謂吾徒

猶愛日

愛日見法言

參橫月落不曾知

月落參橫見柳子厚龍城錄

謝曉純送納襪

剡草曾升馬祖堂

傳燈錄江西一禪師姓馬氏六祖能和尚請曰向後佛法從汝邊去馬駒

蹋刺天下人厥後江西法師布于天下時號馬祖又丹霞禪師投南岳石頭和尚石頭告衆來日剡佛殿前草

至日各備銀釧剡草獨師以盆盛水暖憲接膝話還鄉淨頭于和尚前胡跪石頭笑為剃頭

贈行百衲兜羅韞

楞嚴經云我今示汝兜羅綿手摘此二字

處處相隨入道

場

衡雪宿新寨忽忽不樂

纂異眉州本及黃氏本一夢江南據馬鞍夢中投宿

夜闌千山衡斗柄三星沒雪共月明千里寒俗學近知回首晚病身全覺折腰難江南長盡拍雲竹歸及春風斬釣竿又寨黃氏年譜云按垂虹詩話山谷尉葉縣曰作新寨詩有俗學近知回首晚病身全覺折腰難之句傳至都下半山老人見之擊節稱歎謂黃某清才非奔走俗吏遂除北京教授與國史本傳下合

縣北縣南何日了又來新寨解征鞍山衡斗柄三星沒

詩三星在天

雪共月明千里寒

謝希逸月賦隔千里兮共明月

小吏有時須

束帶

陶明淵應束帶見督郵事已見前注

故人頗問不休官

唐僧靈敏詩相逢盡道休

官去林下何曾見
一人見集古錄

江南長盡捎雲竹歸及春風斬釣竿

杜詩釣竿欲拂珊瑚樹剛去詩中有
新寨錢南歸客詩乃葉縣尉時作

聽崇德君鼓琴

前集有姨母李夫人墨竹詩外集
十一卷有觀從德墨竹歌其序云

姨母崇德君贈新墨竹圖且令作歌米元章畫史
云朝議大夫王之才妻南昌縣君李氏尚書公擇
之妹能臨松竹木石等畫見本即為之卒難辨又
別集有酌崇德君壽酒詩竝葉縣作惟前集詩任
氏編入元祐
三年館中作

月明江靜寂寥中大家歛袂撫孤桐

後漢列女傳扶風
曾世叔妻同郡班

彪之女數召入宮令皇后諸貴人師事焉號
曰大家禹貢嶧陽孤相注云特生桐中琴瑟古人已矣

古樂在

孟子云今樂猶古樂

勞髴雅頌之遺風妙手不易得

杜詩畫師

亦無數好

善聽良獨難猶如優曇華時一出世間

法華經云

如是妙法諸佛如來時乃說之如優曇鉢華時一現耳疏云優曇鉢華名瑞應現則金輪玉山

兩忘琴

意與己意迺似不著十指彈

孟郊妾薄命云不惜十指絃為君千萬彈

禪心

默然三淵靜

三淵前已注事見莊子淵有九名此處三焉注云淵者靜默之謂耳

幽谷清

風淡相應絲聲誰道不如竹

晉孟嘉傳師不知竹竹不如肉

我已忘言

得真性罷琴窻外月沈江萬籟俱空七絃定

杜詩罷琴惆悵月照

席

郭明甫作西齊子穎尾請子賦詩二首

食貧自以官為業

詩三歲食貧荆公詩朝信有兒迎郭飯食貧無地乞羊曇

聞說西

齋意凜然萬卷藏書宜子弟十年種木長風煙

史記貨殖傳十

歲樹之以木

未嘗終日不思穎

歐陽公有思穎寄常處士詩

想見先生多

好賢安得雍容一樽酒

沈休文詩勿言一樽酒明日難重持杜詩何時一樽酒重與細

論文

女郎臺下水如天

震字記穎州治汝陰縣女郎臺在縣西北一里古老云昔娛之女嫁

魯昭侯為夫人築臺以賓之故俗謂之女郎臺柳子厚詩桂嶺瘴來雲似墨洞庭春盡水如天

東京望重兩并州

郭丹郭伋皆為并州牧後漢書有傳

遂有汾陽整綬旒

詩為下國綴旒唐郭子儀封汾陽郡王贊翁伯入關傾

意氣

漢郭解傳解姊曰以翁伯時人殺吾子賊不得師古曰翁伯解字也傳又云解入關關中賢豪聞聲

爭交歡史記晏子傳云意氣揚揚甚自得李林宗異世

白詩

扶風豪士下天奇意氣相傾山可移

想風流

郭泰字林宗事見後漢書李白詩吾非謝尚邀彥伯異代風流各一時

君家舊事

皆青史今日高材未白頭莫倚西齋好風月長隨三徑

古人遊

勸之仕也淵明歸去來辭三徑就荒汝穎隣州此亦葉縣尉時作

勸交代張和父酒

風流五日張京兆

漢張敞傳敞使賦曹掾絮舜有所案驗舜以敞劾奏當免不肯為敞竟事

曰吾為是公盡力多矣命今日諸孫因小官作尹大都

五日京兆耳安能復按事

如廣漢趙廣漢張敞皆京兆尹所為大略相似

畫眉仍復近長安

敞為婦畫眉長

安人傳張京兆眉撫欲得官近長安唐人語也三人成虎事多有

注見前孔融臨終詩三人

成市虎浸眾口鑠金君自寬

楚辭故眾口之共鑠金兮初若是而逢殆鄒陽書云

眾口鑠金

酒興情親俱不淺賤生何取罄交歡

杜詩看弄漁舟

移白日老農何有罄交歡

過平輿懷李子先時在并州

平輿縣隸蔡州嘉祐四年升并州為太原

府案潛夫詩話載山谷教人云世上豈無千里馬人中難得九方臯此可為律詩之法即此詩也解

葉縣尉
時作

前日幽人佐吏曹

易履道坦坦幽人貞吉

我行隄草認青袍

庾信哀江

南賦云青袍如草白馬如練杜詩汀草亂青袍范魯公詩青袍春草色白紵桑如仇王荆公詩照映里門非白屋陵雲春草有袍青心隨汝水春波動興與并門夜月高世上宜

無千里馬人中難得九方臯

列子說符篇秦穆公謂伯樂曰子之年長矣子姓自

可使求馬者乎對曰臣之子皆才下可告以良馬不可告以天下之馬也臣有所與共擔纒薪菜者有九方臯請見之公使求馬三月而反報曰已得之矣牝而黃使人取之牡而驪公謂伯樂曰敗矣子之所使求馬者色物牝牡尚不能知又何馬之能知也伯樂曰臯之所觀天機也酒船魚網歸來是花落

故溪深一篙

方言刺船謂之篙

以金沙醪釀送公壽

山谷嘗有跋云余與宗室越宮有葭莩故曩時與宣州院

公壽景珍嘗共文酒之樂試教官入京作

天遣醪釀玉作花紫絲揉色染金沙憑君著意樽前看

便與春工立等差

退之李花詩縞裙練悅無等差沈立海棠記云惟紫絲者謂之海棠餘乃

棠梨花耳又茗溪云閨中漕字海棠有如紫絲揉色者此摘其字

寄懷公壽

好賦梁王在日邊

司馬相如傳以管為郎會景帝不好詞賦是時梁孝王來朝從游說之士

鄒陽枚乘之徒相如見而說之因病重簾複幕鎖神仙

免客游梁李白詩西入長安到日邊

退之詩黃簾綠幕朱戶

莫因酒病疏桃李詩何彼穠矣

閨杜詩華屋豔神仙

王姬之顏色盛也又曹子建

且把春愁付管絃白樂天

詩南國有佳人容華若桃李

酒薄醉易醒滿眼春愁銷不得愚智相懸三十里

里榮枯同有百餘年

文選遭子建詩積善

及身强健且

行樂

漢楊惲傳人生行樂耳須富貴何時

一笑踰須直萬錢

太白詩玉盤珍羞直萬錢

武陵

黃氏年譜雜詩八首而第八首載外集第六卷題作武陵今從蜀本附葉縣詩後

武陵樵客出桃源自許重遊不作難

太白詩迴山轉海不作難傾情倒意

無所
惜 卻覓洞門煙鎖斷歸舟風月夜深寒

晉天元中武林人捕魚緣

溪行忽逢桃林夾岸復前行盡水源便得一山山有小口豁然開朗黃髮垂髫自云先世避秦來此因延至其家具酒食停數日辭去既出及郡詣太守遣人隨其往尋其處遂迷不得路詳見陶淵明集中桃花源記

呻吟齋睡起五首呈世弼

王世弼名純亮山谷妹夫所謂王郎者

斐几坐清晝博山凝妙香

李白古樂府博山爐中沈香大雙煙一氣凌紫霞杜詩心

清聞妙香蘭芽依客土柳色過鄰牆巷僻過從少官閒氣味

長江南一枕夢高卧聽鳴榔

文選潘安仁西征賦鳴榔厲響李文饒觀釣賦喜良

夜而不歸更鳴榔而遠適李白詩惜別耐取醉鳴榔且長謠

學省非簿領

文選沈休文學省愁卧一首注云梁齊書明帝即位沈約還國子祭酒學省國子也

山谷時為北京國子監教授故得稱學省蘇子由詩鸞臺與諸曹有政非簿領臥病常閉關謝靈

運詩臥病兩餘樓閣靜風晚烏烏還賞逐四時改沈休

對空林山中咸可悅賞逐四時移心安一味閑古人雖已往不廢仰高山詩

立山仰

疏食吾猶飽曲肱哦古今論語子曰飯疏食飲水曲肱而枕之樂亦在其中矣酒

傾因好事揚雄傳好事者絃絕為知音揚雄解難云鍾期死伯牙絕絃

破琴而不肯與眾鼓妬藥長春木爭巢喧暮禽長懷阮校尉北望

首陽岑

天選阮嗣宗詩步出東門北望首陽岑

已把社公酒

退之憶昨行社公禮罷元侯迴

春寒那得嚴厭聽鴻啄雪

喜有燕穿簾璞玉深藏器

孟子今有璞玉于此易君子藏器于身

囊雖立

見尖

史記平原君謂毛遂曰賢士之處世若錐之處囊中其末立見先生不能毛遂曰使遂蚤得處囊中

乃穎脫而出非特其末見而已

兒時愛談道

衛玠傳衛玠談道平子絕倒

今日口如

箱

龜錯傳鄒公曰臣恐天下之士箱口不敢復言矣退之苦寒云口角如銜箱

牆下蓬蒿地兒童課翦除

張平子西京賦牧禽舉時數課衆寡注計數課錄校所得

多少杜詩喧呼山腰宅課奴殺青竹

蔓蒿隨分種杞菊未須鉏河水傳烽

火

杜詩烽火連三月家書抵萬金

交州報捷書

交趾入寇蓋熙寧八年連歲進討至十年乃降

時山谷未離北京也

無能落閑處

唐司空圖耐辱居士歌云籟是長教閑處著退之詩如今到死

得閑處還有慙媿飽春蔬

詩賦歌康哉

奉答子高見贈十韻

柳徑兩著絲竹齋風隕籜

詩十月

屏處人事少

漢竇嬰傳謝病

屏居南山下

晴餘鳥聲樂

左傳鳥鳥之聲樂

詩卷墮我前謂從天上

落

李白詩咳唾落九天隨風生珠玉又寄崔侍御詩九卿天上落

君有古人風詩如古

人作

魏志毛玠傳云太祖以素屏風素憑几賜玠曰君有古人之風故賜君以古人之服絕明遠詩側觀

君子論預簞瓢謝膏梁簞瓢見論語孟子云所以不願人之膏梁之味也注膏梁梁細

見古人風如膏翰墨化糟粕莊子曰桓公讀書于堂上輪扁斲輪于堂下問桓公曰敢問君之所讀者

者也何言也公曰聖人之言也曰聖人在乎公曰已死矣曰然則君之所讀者古人之糟粕已誤蒙東海

觀吾淺適可酌真成聞道百有謂莫已若杜詩真成浪出遊莊子云

秋水時至兩涘渚涯之間不辨牛馬河伯欣然自喜順流而行至于北海東面而望不見水端河伯歎曰野語

有之聞道百以為莫已若者我之謂也謝生石韞玉陸機聞賦云石韞玉而山輝志尚

本丘壑陶潛詩少無適俗韻雅志在丘壑雖無首陽粟飲水亦不惡史記

伯夷叔齊傳二人義不食周粟餓死于首陽山晉謝道韞傳王郎逸少子不惡楚然何時來為

我一發藥

莊子述虛空者聞人足音蹵然而喜莊子曰列子謂伯昏瞽人曰先生既來曾不發藥乎

招子高二十二韻兼簡常甫世弼

詩中言夏向厭次而冬自聊攝

歸蓋以檄考試往來之時與奉和世弼詩同意蓋是歲適當科舉若附之戊午年則山谷乃考試于

衛州而厭次非衛州經行之路今附于乙卯歲

我行向厭次

厭次棣州所治縣也夏扇日在搖甘瓜未除壟高柳

尚鳴蜩

詩小弁苑彼柳斯鳴蜩嘒嘒

駕言聊攝歸

詩駕言出遊聊攝博州所治聊城縣

也即左傳所謂聊攝以東

飛霜曉封條

文選雜擬詩嘉樹生朝陽凝霜封其條

負薪泣

裘褐公子御狐貂

王孫子曰昔衛君重裘累茵而坐見路有負薪而哭者問其故對曰雪下

衣薄是以哭也見藝文類聚王褒聖主得賢臣頌云襲
狐貉之煖者不憂至寒之悽愴法言云舉世寒貉狐不

亦煖
歲月坐晚晚選詩思君令人老歲月忽已晚宋玉
九辨曰日晚晚其將入兮明月銷鑠

而滅
鬢顏颯然凋道德千古事斯文非一朝杜詩文章
千古事得

失寸
心知往者我不及離騷云往者不可
及兮來者不可待後坐多見超退之
詩只

見有所不如不
吾黨二三子論語吾黨之小子又
二三子何患於喪乎士林聳

孤標老杜詩顧氏
之子才孤標小謝抱周易忘言獨參寥莊子玄冥
聞之參寥

參寥聞
之疑始崔郎楚左史
相見左傳二典攷舜堯王生風雅

學談辯秋江潮釋氏所謂
海潮音也灑筆驚有司小敵謂可驕漢
光

武紀諸部喜曰劉將軍平生見小敵怯今見大敵甚勇可怪也安知擣蒲局臨關敗三

集

李翱有五水經云擣蒲五木玄白判又曰王采四毗采六白二玄三日集又曰馬出初關疊行非王采不

出關三生數步隔屢赴茗盃邀

陸羽茶經四之器曰盃越州上明州次婺州次岳州

次

小謝殊未來

選詩日暮碧雲合佳人殊未來

我覺百里遙問之憂菽

水

檀弓孔子曰啜菽飲水盡其歡斯之謂孝

心慮極無聊

賈誼傳一二指搗身慮無聊

父

憐母不訶日以濁酒澆

世說阮籍嘗中壘塊故須酒澆之

此道如鼎寶

念子羹未調

文選潘安仁詩王生和鼎實書曰若作和羹爾惟鹽梅

古來有親養

回也樂一瓢不田鴉生實在物乃為妖

莊子曰吾未嘗為牧而牂生于

奧未嘗好田而鵲生于定吾言有師承後漢儒林傳序師資所承可信如斗杓斗杓

招搖詩以解子憂孟子惟順於父亦用當子招此詩言三子者

星也舉進士不中選謝治易崔習書王習詩不為不至而譬之于博有勝負也小謝慙而不出自言無以奉菽水之

歡故為言顏子事親一簞食一瓢飲不改其樂以解其憂也王純亮字世弼山谷妹婿山谷至自厭次蓋以檄

考試進士也外集刪去詩中有一詩其序云次韻答常甫世弼二君不利秋官鬱鬱不平故予詩多及君子處

得失事與此篇同時

次韻謝子高讀淵明傳

枯木嵌空微暗淡

老杜詩云嵌空太古始雪嵌期銜切

古器雖在無古絃

晉陶淵明傳蓄琴素一張徽絃不具每朋酒之袖中正有會則撫而和之曰但識琴中趣何勞絃上聲

南風手誰為聽之誰為傳

南風手謂舜作五絃之琴以歌南風司馬遷答任安書云

諺曰誰為為之孰令聽之蓋鍾子期死伯牙終身不復鼓琴

風流豈落正始後

晉衛玠傳

不意永嘉之末復聞正始之音

甲子不數義熙前

南史陶潛傳所著文章義熙之前明書年

號永初以來惟云甲子

一軒黃菊平生事無酒令人意缺然

淵明

詩序云秋菊盈園而時醪靡至淵明以九月九日無酒摘菊盈把望見白衣人送酒至莊子吾自視缺然

奉和王世弼寄上七兄先生用其韻

宮槐弄黃黃

退之詩黃黃蕪菁花

蓮葉綠婉婉

退之元和聖德詩婉婉弱子今以言

新荷嫩時同二三友竹軒涼夏晚駕言都城南詩駕言出避大

名府北京也以望征車返何知苦淹回及此秋景短愁

思令人瘦文選古詩思君令人瘦舉目道路遠西風脫一

葉文選月賦洞庭始波木葉微脫杜詩風雨一秋葉退之詩林柯有脫葉李白大獵賦不周來風玄冥掌雪

木脫葉薦士聞鄉選被徵試鄉貢進士也簡書催渡河詩出車云

草解節畏此賓客不得展檀弓云展墓而入親憂對萱叢詩伯

簡書馬得諼諼言樹之背毛云諼草令人忘憂背北堂也釋文云諼本又作萱嵇康養生論合歡蠲忿萱草忘憂

婦病廢巾內則婦事舅姑進盥少者奉漿言趨厭次

城厭次見前注鞭馬倦長阪

又選曹子建詩秋蘭被長阪棗

林蔽天日交陰不容纖仰看實離離憶見花纂纂

文選

云詠園桃之夭夭歌棗下之纂纂歌曰東下纂纂朱實離離宛其落矣化為枯枝注云古咄咄歌曰棗下何攢攢榮華各有時棗初欲赤時人從四邊來棗適今日賜誰當仰視之異鄉懷節物不共斟

酒盞舉場下馬入深鎖嚴籬管諸生所程書招東若稽

稗

後漢范丹傳拾拾自資禹貢三百里納稽服注稽藁也說文稽本或作稽工八反

蜜燈坐回

環

庾信集中有燈賦云香添然蜜氣雜燒蘭柳子厚詩回環驅萬象

丹硯精料束披榛

拔芝蘭

文選趙景真書披榛覓路

斷石收琬琰

上林賦朝采琬琰和氏出焉

紛爭

一日事聲實溷端窾

天家指要其實中其聲者謂之端實不中其聲者謂之窾

天球

或棄遺

顧命曰天球河圖在東序

斗筭尚何算

論語斗筭之入何足算也

西歸到

官舍塵土昏案版寒窻穿碧疏

元選天台賦彤雲斐疊以翼樞轂日炯晃于綺

疏注樞窻間子也刻為綺文謂之綺疏鮑明遠詩朱爵

天憲船碧疏章蘇州酒肆行碧疏玲瓏含春風銀題絳

織邀潤礎開蒼蘚淮南子云山雲蒸柱礎潤杜

上客巢翻鵲巢帷幔蛛絲胃果知兄未來先陰坐晚晚宋玉

見詩日晚晚昨蒙叔父報亦歎音書簡叔父謂黃康字夷伯

其將入寺幹當公事命同司農丞程之才體量河北河東災傷

道除知司農寺丞以荒政十二為科條自昨蒙叔父報

文

山谷外集詩注

至貂狐無餘煖皆言體量賑濟辛
勤之狀詳見山谷遺文夷仲行狀
薄言使事重詩薄言還歸

激切被天遣

高僧傳僧鬼戒行嚴潔有一女子寄宿自稱天女以上人有德天遣我來鬼曰無以

章囊見試此摘其字北史李元忠傳孫騰曰此君天遣來不可違也李長吉詩天遣裁詩作花骨逋流

一方病責任婉和扁

左傳昭元年晉侯求醫于秦秦伯使醫和視之史記扁鵲姓秦名越

人咨詢懷靡及

小雅皇皇者華君遣使臣也駢駢征夫每懷靡及末章云載馳驅周爰咨詢

不遑暇息偃

詩采芣云不遑啟居不遑嚼冰進糜餐衝啓處北山云或息偃在牀

雪踏層巘嚴霜八月飛貂狐無餘煖

貂狐見前注念嗟叔母

劉窮年寄甥館

文選李令伯陳情表云祖母劉愍臣孤弱躬親撫養此用其語行狀又云娶劉

氏屯田員外郎致仕漁之女夷仲往河北而劉氏終年
留其父母家也孟子曰帝館甥于貳室注謂妻父曰外
舅謂我舅者吾謂之甥堯
以女妻舜故謂舜甥也 尚憐公初黥誘掖到昭宛 初公

昭宛疑是夷仲子姪小字如 庭堅薄才資行又出畦町

莊子彼且為無町畦亦與之為無町畦釋文云町徒頂
切亟詩云町疇鹿場音他切韓文公詩文才不如人

行又無 浮雲與世疎 論語于我如浮雲杜詩流水生涯
町畦 盡浮雲世事空李白詩河東郭有

道于世 短綆及道淺 莊子褚小者不可以懷大綆短者
若浮雲 不可以汲深退之詩汲古得修綆

匠伯首暫回大樗終偃蹇 意謂雖受諸公知終無心進
取莊子匠石之齊至于曲轅

見櫟社樹其大蔽牛匠伯不 學宮尸廩入奉養闕豐腆
顧遂行釋文曰匠伯石字也

學徒日新聞陋孤猶舊典

學記則孤陋而寡聞時用王氏經學取士也

小材

渠因我持斲問輪扁

原注云後用此一韻事異似不害輪扁見前注

大材我屈

渠越鷄當鵠卵

莊子奔蜂不能化蠶蠶越鷄不能復鵠卵

未能引分去戀祿

幸苟免

退之龍吏詩官不自謹慎宜即引分往

平生報一飽從事極黽勉

老杜云常擬報一飯小雅云黽勉後事不敢告勞

豈如不見收放身就閒散

退之

進學解云

思伯臥江南

伯即七兄也

無心趣軒冕

莊子繕性篇非軒冕

之謂龐翁跡頗親黃蘗門屢款

居士龐蘗黃蘗希運禪師傳燈錄皆有傳

齋

餘佛飯香

維摩經云有國名衆香佛號香積維摩詰問衆菩薩誰能致彼佛飯維摩詰不起于座化

作菩薩到衆音界禮彼佛足于是香積如來以衆香鉢盛滿香飯與化菩薩化菩薩以滿鉢香飯與維摩詰

茶沸甘露滿

陸羽顧渚山記云豫章王子尚訪曇濟道人于八公山道人設茶茗子尚味之曰此

甘露也

何逢人問進退餘事寄一莞

莞論語夫子莞爾而笑仲父挾

高才甘為溝中斷

元注云音短莊子云百年之木破為犧樽而文之其斷在溝中此犧樽于

溝中之斷則美惡有間矣其于失性一也退之青黃可

犧樽

禮記尊用犧象退之祭子厚天犧樽青黃乃木之災

薦廟配瑚璉

論語云何器也曰瑚

璉也注云瑚璉黍稷之器

季父有逸興未嘗入都輦

文選潘安仁詩自我違京輦

臨流呼釣船拂石弄琴阮

唐元行沖傳有人破古冢得銅器似琵琶身正圓行沖曰

此阮咸所作器也命易以木絃
之其聲清亮樂家謂之阮咸
雍容從朋交林下追游

行詩昊天曰旦及爾游衍謝朓
詩于役儻有期郭渚同游衍
田園雖是樂及時思還

返陰寒木鳴條論衡五日一望損倚門眼戰國策王孫

王出走失王之處其母曰汝朝出而晚來則吾倚門而
望汝冀出而不還則吾倚閭而望汝今事王王出走汝

不知其處南枝喜鳴鵲魏武短歌行月明星稀鳥鵲南

傳烏汝尚何歸尺素託黃犬晉陸機傳機有駿犬名曰黃耳羈寓

書信汝能齋書取消息否搖尾作聲機乃為書以竹筒
好盛之而繫其頸犬尋路南走遂至其家得報還洛歲

以為常又選樂府云呼又以窈窕留左傳襄十三年歸
兒烹鯉魚中有素尺書春秋窈窕之事

期指姑洗

月令季春之月律月姑洗

寄聲問僧護

僧護當是子姪小字

兒髮可以

館妙言對賓客稱渠萬金產

退之贈張籍詩云有兒雖甚憐教示不免簡君來好呼出踉蹌

越門限懼其無所知見則先媿赧昨因緣有事上馬插手版留君住廳食使立侍盤饌薄暮歸見君迎我笑而莞指渠相賀言此是萬金產爾來弄筆硯墨水惡翻建大字如栖鴉已不作肥軟

壺禹錫詩小兒弄筆不能瞋浣壁書窓且賞勤盧仝詩忽來案上翻墨汁塗抹詩書如老鴉漢高祖紀云秦形勝之國也地勢便利其以下兵于諸侯譬猶居高屋之上建瓴水也注云幡瓴水言其向下之勢易也法書苑曰鄔彤善草書如寒林栖鴉

魯論未徹章正苦諸叔懶新詩開累紙

自此以下皆言王世獨詩

如月明如拓漿如砧聲窅水聲也

欲罷不能卷

論語欲罷不能

遠懷託孤高別思

盈繾綣

詩民勞云無繾綣隨以謹繾綣

秋月明夜潮柘漿凍金盃

楚辭招魂云胎

有柘漿

踈杵韻寒砧

砧搗衣帛之石老杜詩寒衣處處催刀尺白帝城高急暮砧

幽泉流

翠筍

韻書云筍古典切以竹通水也

吟哦口垂涎

杜詩道遠麴車口流涎

嚼味有餘雋

漢

通傳論戰國說士亦自序其說號雋永注肥肉也

傳示同好人我家東牀坦

東牀坦服

見晉王羲之傳

風烟意氣生

潘岳作楊荊州誄翰動若飛紙落如雲杜詩揮毫落紙如雲烟

揮

毫寫藤繭

唐舒元與有弔刺溪古藤文言以刺藤為紙也法書要錄王羲之蘭亭序用蠶繭紙鼠鬚

筆北戶錄云晉宋間有一種紙長丈餘就船抄之世謂繭紙

獵山窮鴉鴛

鴛鴦居切

田鼠化為鴛

罩海極鰕蜺

集中代書云文章六經來汗漫十牛車譬如觀滄海細大極龍鰕即

此詩之銀鉤亂眼膜晉索靖傳作草書狀曰草書之為

膜價重百車渠湮繁經云是嘉句濯肺腕且言伯在野

書曰君朋友必推挽五泰列清廟荀子蠶賦臣愚而不

五泰五帝也五帝少昊顓頊高辛唐虞也詩意聖緒今

皇纘真儒運斗樞言神宗繼統而王荆公為相也法言

動樞道化建天顯書酒誥我聞惟曰在昔殷先哲王建

小朝論惜才難逸民大蒐獮左氏隱五年春蒐豈聞任

方物書禹貢任土作貢旅獒包貢遺羽翰禹貢曰厥貢

無有遠邇畢獻方物

曰惟箇簾栱樟樟

招車必翹翹

左傳莊二十二年敬仲曰詩云翹翹車乘招我以弓

豈不欲往畏我友

前席思寥寥

文帝前席賈生易王臣蹇蹇

王甥欲

好懷

王純亮字世弼山谷妹婿也前云我家東牀坦亦指世弼爾雅云妹之夫為甥

高意恐難

轉

詩我心匪石不可轉也自且言伯在野以下皆謂世弼詩中稱伯兄雖在田野間而朋舊在朝必能援引

舉逸民也世弼此懷雖好而七兄之意不可轉也

長篇題遠筒

白樂天與元微之唱和常以竹

筒野詩揀得琅玕截作筒緘題句章寫心膺

封寄淚空消遙知雲際開仄飛

黃鐘管

太玄經曰調律者度竹為管蘆葦為灰漢然無動寂然無聲冬至夜半黃鐘以應

送吳彥歸番陽

詩中有三見秋氣爽之句蓋在北京三年矣

學省困齋鹽

文選沈休文有直學省愁臥詩退之送窮文太學四年朝齋暮鹽

人材任

尊獎控伺祝螟蛉

揚子學行篇天降生民俚伺顯蒙又曰螟蛉之子殪而逢蜾蠃祝之曰類

我類我久

小大器罌

退之詩

諸生厭晚成

老子云大晚成

後漢當是援傳汝大材當晚成

躡學要僧

學記曰學不躡等貨殖傳曰節駟僧

摹書說

偏旁

林罕有字源偏旁小說三卷其序云漢太尉祭酒許子取其形類作偏旁條例十五卷名之說文

破義析名象

陶淵明詩奇文共欣賞疑義相與析此譏王氏字解

九鼎奏簫韶爰

居端不饗

易鼎大亨以養聖賢主父偃傳大文夫生不五鼎食死則五鼎烹周禮鼎有十二牢此言

鼎食也臧文仲祀爰居事見國語莊子達生篇云有鳥止于魯郊魯君悅之為具太牢以饗之秦九韶以樂之

鳥乃憂悲眩視不敢飲食今休款啓寡聞之民吾告以
至人之德譬之若載縣以車馬樂鷄以鍾鼓也彼又烏
能無驚乎哉李白贈盧主簿詩海鳥知天風竄身曾門
東臨賜不能飲燭翼思陵空鐘鼓不能樂煙雲誰與同
亦此意此亦識王氏之學前篇和王世弼
詩云學徒日新聞孤陋猶舊典亦此意 青衿少到門

庭除晝閒

尚

詩子衿刺學校廢也青青子衿悠悠我心
言學子統趨新學不至公堂也文選南都

賦體爽塏
以閒故

竹風交槐陰三見秋氣爽時賴解事人載酒

直心賞

揚雄傳好事者載酒肴從之鮑照詩
心賞猶難恃謝朓詩懷人去心賞

吳郎楚國

材

左傳聲子說楚云雖
楚有材晉實用之

幽蘭秀榛莽彥國吐嘉言

晉胡

之傳王澄曰彥國吐嘉言
罪罪不絕輔之字彥國

子將喜標榜

後漢許劭字子
將覈論鄉黨人

物每月輒更其品題
故汝南俗有月旦評
平生欽豪俊久客慕鄉黨
文選張茂先詩

不曾遠別離
安知慕儔侶
虛齋延灑掃
簿版薦脍鱗
禮內則夏宜脍鱗注脍乾雉鱗

乾魚唐韻煮乾魚
腊也音息兩反
詩句唾成珠
文選詩咳唾自成珠老杜詩汝身已見唾成珠

笑嘲恆爬痒
杜牧詩云杜詩韓筆愁來讀似倩麻姑痒處抓
春夏頻謝除曾未

厭來往歸雁多喜聲寒蟬停哀響
淵明詩云哀蟬無遺響來雁有餘聲杜詩云玄

蟬無
停號
黃花滿籬落
淵明詩採菊東籬下抱朴子曰葛洪籬落頻缺
白蟻鬧甃窰

杜詩蟻浮仍臘味
韓詩喧聒鳴甃窰
畱君待佳節忽忽戒徂兩
文選謝朓詩擾擾整

夜裝肅肅
戒徂兩
親戚傷離居
楚辭將何以遣兮離居檀弓吾離羣而索居
交游念

疇曩

文選廬子諒詩借曰如昨忽碁局無對曹搏捕失

朋長

史記淳于髡傳六博投壺相引為曹李白詩連呼五白行六博分曹賭酒酣馳暉問君去

為何雲物愁莽蒼

莊子云適莽蒼者三餐而反莽莫浪反蒼七蕩反白樂天春雪詩寒消春

莽蒼自注云二字上聲又翼城北

原作云野色何莽蒼自注作去聲壽親髮斑斑千里勞

夢想家雞藁頭肥

藁禾稈也頭有餘粒雞食之而肥藁頭用禾頭生耳字又北史齊本紀曰

時有童謠云一東藁兩頭然寒魚受罾網甘旨藪中厨

藁頭云者山谷摘字多此類內則云旨但啞弄文襁東方朔傳伊優啞者詞未定也

甘柔滑伊啞轉井車漢宣紀在襁褓注云褓小兒被也褓小兒細細補耕反史記趙世家程嬰杵臼匿趙孤取他人嬰

兒負之衣
以大祿

此行樂未央

詩夜未央老子
荒乎其未央

安知州塗廣

淵明

詩目倦
川塗異

深秋上滄江遠水平如掌

杜詩秦川對
酒平如掌

人生要

得意壯士多曠蕩野鶴被籠樊

淵明詩久在樊籠裏復
得反自然韓文公詩譬

如籠中鶴六
翻無所搖

江鷗戀菰蔣

子虛賦東牆彫胡蓮藕觚盧
張揖曰彫胡菰米也郭璞曰

也
蔣

本來丘壑姿不著芻豢養

孟子
之悅我口

寄聲謝鄉鄰

為我具兩漿有路即歸田君其信非誑

韓詩臨分不汝
誑有路即歸田

二月丁卯喜雨吳體為北門畱守文潞公作

據實
錄熙

寧七年判河陽文
彥博判大名府

乘輿齋祭甘泉宮

甘泉本秦離宮漢武帝增廣之自武帝至西漢末皆上甘泉祠祭鮑明遠

詩二年從車駕齋祭甘泉宮

遣使駿奔河岳中

書武成云丁未祀于周廟邦甸侯衛駿奔

走執誰與至尊分盱食

董仲舒傳制曰朕承至尊休德左傳伍奢曰楚君大夫其盱食

乎北門臥鎮司徒公

唐裴度傳度節度河東帝諭意曰為朕臥護北門可也白樂天獻裴

令公詩保釐東宅靜守護北門牢邵氏聞見錄潞公判北京運判江輔之密劾公不治神宗御批所奏付公曰

侍中舊德故煩臥護微風不動天如醉

庾信哀江南賦云天何為而此

醉原注云時聞太母閔雨勤甚故有微風不潤物無聲動之句蓋言憂勤如此而天不聞有若醉焉

春有功

老杜春夜喜雨詩云潤物細無聲

三十餘年霖雨手

書說命若歲大早用

汝作霖雨淹留河外作時豐

李右司以詩送梅花至潞公予雖不接右司想見

其人用老杜和元次山詩例次韻

潞公時留守北京老杜有和元

結春陵行無賊還示官吏作二首其序云簡知我者不必示元

凡花俗草敗人意

俗物已復來敗人意見王戎傳

晚見瓊蕤不恨遲江

左風流尚如此春功終到歲寒枝

次韻外舅喜王正仲三丈奉詔禱南岳回至襄陽

舍驛馬就舟見遇三首

正仲三丈謂王存字正仲元豐間修起居注元祐初

白石丞遷左丞案實錄熙寧九年十一月詔安南
行營將士疾病者衆遣同知太常禮院王存禱南
岳自京師十一月被命至衡山回程必在次年案
陳無已詩話云謝師厚廢居于鄧王右丞存其妹
壻也奉使荆湖枉道過之夜至其家師厚有
詩云倒著衣裳迎戶外盡呼兒女拜燈前

漢上思見龐德公

龐德公襄陽人以沉師厚

別來悲歎事無窮

垂虹詩話

云別來悲歎事無窮張孝先光祖云曾見親札作歡字
正如山谷改杜詩少年今開萬卷餘不可拘平側也

聲名藉甚漫前日

西漢陸賈傳賈游漢廷公卿間聲名藉甚

鬢鬚索然成老

翁

杜詩顏狀老翁為文選魏文

家釀已隨刻漏下

晉何充字

次道劉惔云見次道
飲令人欲傾家釀

園花更開三四紅相逢不飲未為

得

唐李敬方詩相逢不飲空歸去
洞口桃花也笑人見復齊漫錄

聽取百鳥啼忽忽

能來問疾

見維摩經

好音傳蹇步昏花當日痊

圓覺經譬彼病眼見空中

花

烹鯉得書增目力

烹鯉見前注孟子既竭目力焉

呼兒扶立候門前

歸去來兮云
維子候門

游談取重慙犀首

犀首公孫慙也史記有傳

居物多羸

昧計然

史記殖貨傳越王勾踐困于會稽乃用范蠡計然注計然范蠡師也漢張湯傳居物致富與湯

之分惟有交親等金石

金石交見韓信傳

白頭忘義復忘年

忘年忘義

見莊子
齊物篇

語言少味無阿堵

馬援傳過是恐少味矣晉王衍妻郭氏貪鄙行族之口未嘗言錢展起見

錢曰舉却
阿堵物

冰雪相看有此君燈火詩書如夢寐麒麟圖

畫屬浮雲

漢單于入朝上思股肱之美圖畫其入于麒麟閣

平章息女能為婦

息女見漢高紀老杜送封主簿詩序余與主簿平章鄭氏女子垂欲納采書至女子已許他族歡喜兒

曹解綴文

漢劉歆贊綴文之士

憂樂同科惟石友

潘安仁詩投分寄石友

別

離空復數朝曛

韓詩吾徒幸無事庶以窮朝曛李白詩舉跡倚松石談笑迷朝曛

次韻正仲三丈自衡山返命舍驛過外舅師厚贈

答

昏昏市井氣

揚子云市井相與言則以財咕咕兒女語與利韓詩海氣昏昏水拍天

前漢灌夫傳平庄毀程不識不直一錢今日長者為壽迺效女兒咄囁耳語退之詩呢呢兒女語禽喧

聲百種春作事萬緒列子云擾擾入間雞黍期文選范雲詩恨

不具雞黍注引謝承漢後書山陽范式字巨卿與汝南張元伯為友春別京師以秋為期至九月十五日殺雞

作黍二親笑曰山陽去此幾千里何必至元伯曰巨卿信士不失期言未絕而巨卿至天上德星

聚世說新語注云續晉陽秋曰陳仲弓從諸子姪造荀朗陵父子于時德星聚太史奏五百里賢人聚老杜

詩全蜀多名士乖離略十年文選詩乖離即長衢王逸少帖多有乖離字髮

白齒齟齬齟齬見前注太史禱衡丘漢武伐南越禱太一佐王用貌虎

書桓桓如虎如狼史記黃帝教熊羆貔貅羆虎以與炎帝戰于阪泉之野杜詩貌虎開金甲麒麟受玉鞭子

雲免大夫

揚雄傳雄以病免復召為大夫以言師厚

草玄空自苦

劉歆散觀太玄謂雄曰

空自苦

人生只爾是付與甕頭醅

法書要錄江東云垺面猶河北稱甕頭謂初熟

酒也詩飲此醅矣謝靈運詩芳塵疑瑤席清醅滿金樽

山谷外集詩注卷二

欽定四庫全書

山谷外集詩注卷三

宋 黃庭堅 撰

史 客 注

次韻子瞻春菜

據實錄熙寧十年二月癸巳尚書祠部員外郎直史館權知河中府

蘇軾知徐州又按穎濱集詩序云熙寧十年二月始會於澶淵相從赴彭城山谷時在北京始通書并二詩書云竊食於魏會閣下開幕府在彭門魏即北京彭門徐州也按東坡集次韻魯直見贈古風二首乃在春菜之後蓋未通問時先和此詩也

北方春蔬嚼冰雪

詩谷風云我有旨蓄亦以御冬箋云蓄美菜以御冬月乏無時也大抵北

方地寒春初猶食菹菜及寒菹

妍暖思采南山蕨

召南草蟲云陟彼南山言采其蕨晉張翰

傳翰謂顧榮曰天下紛紛禍難未已吾本山林間人無望於時子以明防前以智慮後榮愴然曰吾亦與子采

南山蕨飲三江水平翰因見秋風起乃

思吳中菹菜萼羹鱸魚鱸遂命駕而歸韭苗水餅姑置

之南史何尚之傳帝好水引餅

苦菜黃雞羹糝滑

史記

不萼絲色紫菰首白

齊民要術云四月萼生莖而未葉名曰雄尾萼第一肥美葉舒長足

名絲萼五六月用絲萼周禮魚宜菹注彫胡也內則蜩醢而菹食注彫胡也菹亦作蔬世說陸機曰千里萼羹

未下鹽豉宋玉諷賦主人之文為臣炊彫胡之飯杜詩為我炊彫胡迢迢展良觀

萼蒿芽甜葷

頭辣

齊民要術薺菜味辛薺音罕沈存中忘懷錄云石芥罕菜二物極辛為薺大佳肝江志云薺菜生麻

姑山及麻源肝

生薺入湯翻手成

漢陸賈傳云如反覆手耳師古曰言其易

江郎建昌軍

也反音翻

筆以薺橙誇縷抹

詩左右筆之文選枚乘七發云肥狗之和筆以山膚注引禮記

注云筆菜也謂以菜調和之也韓

文公詩調以鹹與酸筆以椒與橙驚雷菌子出萬釘燈

錄百丈問黃菜甚麼處來曰大雄山下采菌子

白鵝截

來此摘其字隋楊素傳賜萬釘寶帶借使其字

掌鼈解甲琅玕森深未飄籜軟炊香秬煨短茁

禹貢球琳琅玕

今以喻竹元稹種竹詩可憐亭亭幹一一青琅玕召南

騶虞云彼茁者葭注茁出也今言筍初出土老杜云軟

炊香飯綠老

萬錢自是宰相事

晉何曾日食萬錢杜詩左相日興費萬錢一

翁飯一作秬

飯且從吾黨說

論語吾黨之直者

公如端為苦筍歸明日青衫

誠可脫

閏月訪同年李夷伯子真于河上子真以詩謝次

韻

吳歲閏正月

十年不見猶如此

自治平丁未同唱第至熙寧乙卯向十年矣山谷時在北京故稱河上

未覺斯人歎滯留

司馬談六家指要云太史公留滯周南

白壁明珠多按

斂

漢書鄒陽傳明月之珠夜光之璧以暗投人于道衆莫不按斂相眚者

濁涇清渭要同

流

杜詩濁涇清渭何當分詩涇以渭濁注涇渭相入而清濁異

日晴花色自深淺風

軟鳥聲相應酬

唐杜荀鶴詩
風暖鳥聲碎

談笑一樽非俗物

晉王戎
與阮籍

為竹林之游戎嘗後至
籍曰俗物復來敗人意

對公無地可言愁

杜詩如
酒常快意亦

如窮愁安在哉李白詩且須沽
酒對君酌與爾同消萬古愁

戲答李子真河上見招來詩頗誇河上風物聊以

當嘲云

渾渾舊水無新意漫漫黃塵浣白鷗安得江湖忽當眼

臥聽禽語信船流

杜詩汲多井水渾王荆公詩但有洛
水流渾渾又江湖豈在眼昨夜夢汲

濟

和答李子真讀陶庾詩

樂易陶彭澤

陶潛字淵明為彭澤令

憂思庾義城

庾信子山封義城公集中有云

攻許愁城終不破
遙愁愁終不肯去
深藏避愁去愁已
知人處風流掃地

盡

唐祝欽明授太子經帝與羣臣晏欽明自言能八風舞帝大笑盧藏用數曰是舉五經掃地矣杜詩豪傑

誰人在文章掃地無太白詩春光掃地盡碧葉成黃泥本出漢魏豹等贊上古遺烈掃地盡矣詩句識

餘情往者不再作

檀弓云趙文子曰死者如可作也吾誰與歸

前賢畏後生

論語後生可畏杜詩庾信文章老更成凌雲健筆意縱橫今人嗤點流傳賦不覺前賢畏後生君言得

意處此意少人明

丙寅十四首效韋蘇州

井序

二月丙寅率李原彥深謝惺公靜游百花洲適
為游人所擅見拒於晨門因賦何人有酒身無
事誰家多竹門可款之句行繫馬李氏園步至
廣濟僧舍謁寇忠愍萊國公祠堂用吏部詩韻

作

據國史元豐元年二月丙午朔則丙寅乃二
十一日山谷時在北京而謝師厚居南陽後

篇夏雨眠起之什有腹便時蒙朝之句又送朱
既中允宰宋城詩亦云鄴王臺連春一空但有
雲飛揚柳風我從南陽解歸橐重簾複幕坐學
宮當是山谷告假或因他故至南陽在冬春間

耳今附于此○百花洲
萊公祠堂皆在鄧州

雪霽草木動

月令草木萌動

春融煙景和嘉晨掩闕坐如此節

物何同游得二子晤對不在多

詩云彼美淑姬可與晤言箋云晤對也

不知鞍馬倦想見洲渚春清畫鎖芳園誰家停畫輪與

服志畫輪車駕牛以漆漆畫輪轂故名曰畫輪車

高柳極有思向風招遊人之

詩楊花榆莢無才思此反而用之陶詩山澤久見招

漸嘉樓外花嘉賞亭邊柳作者歸山丘

曹子建詩生存華屋處零落歸

丘今春為誰有千秋萬歲後還復來游否

原注云漸嘉樓陽夏謝希

深作嘉賞亭范文正公作桓子新論云雍門周說孟嘗君曰千秋萬歲後高臺既已傾曲池入已平戰國策楚王謂安陵君曰寡人萬歲千秋之後誰與樂此矣漢高紀千秋萬歲後魂魄猶思沛

城南有佳園

王逆少帖云僕近修小園子殊佳致風物山簡傳語習氏荆土豪族有佳園池

迎馬首

左傳惟子馬首是瞻

但賞主人竹不飲主人酒

王微之傳吳中一士

大夫家有竹欲觀之便出坐與造竹下諷嘯主人洒掃請坐微之不顧將出主人乃閉門微之便以此賞之

紅日媚紫苔

沈休文詩賓階綠錢滿客位紫苔生

輕風泛春柳

楚辭光風轉蕙泛崇

蘭

三公未白髮

三公謂寇萊公花文正公謝希深也

十輩乘朱輪

楊惲家方隆盛時來

朱輪者
十人

只取人看好何益百年身

杜詩長為萬里客有魏百年身但顧

長今日清樽對故人

淵明詩但顧長如此躬耕非所歎

江梅香冷淡開偏未全疎已有耐寒蜨雙飛上花鬢

杜詩

隨意數

今夜嚴城角肯留花在無

樂府詩集云漢橫曲有梅花落本笛中曲

花鬢

唐大角曲亦有大梅花

等曲今其聲猶有存者

我思五柳翁解作一生事得錢送酒家便靜尋山寺念

我還如此翁應會人意

淵明傳云嘗著五柳先生傳以自況又云顧延之為始安郡過

潯陽造淵明每往必酣飲致醉臨去留錢二萬與淵明
淵明悉送酒家荷就取酒謝靈運詩還得靜者便杜詩

老來苦
便靜

庭空日色靜樓迴鐘聲遲

李義山詩地寬樓已迴人更迴于樓

褐叟已爭

席

左傳旨酒一盛兮余與褐之父睨之莊子曰其往也舍者避席其反也舍者與之爭席矣

駟鴉更

不疑同來復同去竟別我為誰

退之詩遇酒既酌酌君知我為誰

謝錫有逸興李髯非不嘉

蜀志諸葛亮曰孟起當與翼德並驅爭先猶未及髯之絕

倫逸 苦思夢春草

南史謝惠連傳族兄靈運嘗思詩竟日不就忽夢見惠連即得池塘生春

草大以 醉狂眠酒家

杜詩李白一斗詩百篇長安市上酒家

眠 斯遊無俗物

傲睨至昏鴉

俗物見前注杜詩云眼前無俗物又云有侍至昏鴉此借以言謝之能詩而李之好

飲也

寺古老僧靜亭陰脩竹多萊公作州日部曲屢經過衆

推識公面蒼石眠綠莎

寇準字平仲贈萊國公諡忠愍始為參知政事罷知鄧州盧仝

詩蒼薛印我面雨露皴我皮此不嫌故我

突几蒙相知以言識公面者今惟蒼石耳

盛時衆吹噓

杜詩馮唐已老聽吹噓又茲理儻吹噓李白詩故人東海客一見借吹噓

謫去

衆毀辱不為公存亡幽蘭春自綠欲書名相傳安得南

山竹

前漢公孫賀傳云南山之竹不足受我詞祖君彥代李密檄數煬帝十罪罄南山之竹書罪未窮此

反用

昔公調鼎實

周易鼎有實潘岳金谷集詩王生和鼎實

指顧九廟尊郡國富

士馬于今開塞垣

杜詩一寄塞垣深

誰能起公死為國守北門

守北門見前注寇公鎮大名日北使問公何以不
在中書曰主上以朝廷無事北門鎖鑰非渠不可

出身世喪道

莊子曰世喪道矣道喪世矣世與道交相喪也李白詩世道日交喪澆風散淳源

解綬飢驅我

淵明乞食詩云飢來驅我去不知竟何之

杯中得醉鄉

唐王績有醉鄉

記

去就不復果豈為俗人言

司馬遷書可為知者道難為俗人言也

達人

儻余可

賈誼鵬鳥賦達人
大觀物無不可

少小尚捐介

退之詩少小聚嬉戲

與人常不款

後漢光武章章陵置酒作樂宗室諸

母因酣悅相與語曰文叔少時謹信
與人不款曲惟直柔耳今乃能如此
置身稍雍容遇酒

輒引滿漢書序傳引滿舉白陶淵明詩攜壺接賓侶引滿更獻酬自是鶴足長難齊

鳧脰短莊子鳧脰雖短續之則憂鶴脰雖長斷之則悲

催公靜碾茶

雪裏過門多惡客元注云不飲者為惡客出元次山集中按集中有絕句云有時逢惡客注

云非酒徒卽為惡客春陰只惱有情人睡魔正仰茶料理石曼卿詩已為

物象添詩瘦更被陰晴長睡魔晉王急遣溪童碾玉塵

幽怪錄橘中四老人云君輸我玉塵九解樂天詩茶新碾玉塵

用前韻戲公靜

偶逢攜酒便與飲

淵明九日無酒適太守送酒便飲醉而歸

竟別我為何等

人

退之歸彭城詩遇酒即銘訂君知我為誰

兔月龍團不當惜長卿消渴肺

生塵

司馬相如傳常有消渴疾盧仝詩渴心歸云生塵埃

對酒歌答謝公靜

我為北海飲

後漢書孔北海云座上客常滿樽中酒不空

君作東武吟

鮑明遠樂

府有東武吟

看君平生用意處蕭灑定自知人心

定自晉人語也世說

王敦曰家兄在郡定佳又謝太傅曰定自住定自住

南陽城邊雪三日愁陰不能

分皂白

晉天文吉度翼書曰此天公憤憤無皂白之微也

推輪宛蹄泥數尺之退

朝賀歸詩綠槐十二街渙散馳輪蹄又贈元十八何城人識章甫而知駿蹄踠魏武苦寒行曰車輪為之摧

門晝開眠賈客移人僵尸在旦夕誰能忍飢待食麥左傳

成十年晉侯夢大鴈覺召桑田巫巫言如夢公曰何如曰不食新矣又曰晉侯欲麥使甸人獻麥將食張如廁

陷而卒身憂天下自有人白樂天詩退身江海應此借使身憂天下自有人無用憂國朝廷自有賢寒士

何者愁填臆民生正自不願材晉謝安傳正自不能不

之生不願為材可乘以車可鞭策列女傳老萊子妻云可食以酒肉者可隨以鞭撻可授以

官祿者可隨以斧鉞君不見海南水沈紫梅檀碎身百鍊金博山

本草沈香門白檀樹出海南又云真紫檀舊在下品又云扶南國人言象香共是一木根是梅檀節是沈水葉是藿香膠是薰陸選詩昔為百鍊剛漢故事諸王出閭賜博山香爐李白詩博山爐中沈香火豈如不

蒙斧斤賞老大絕崖霜雪間投身有用禍所集

莊子匠石歸櫟

社見夢曰云云且予求無所可用久矣幾死乃今得之為予大用使予也而有用且得有此大也耶何況

四達之衢井先汲

爾雅四達謂之衢莊子直木先伐甘井先竭

昨日青童天

上回手捧玉帝除書來

列仙傳有青童君詩仙邢氏有青童去擬南山木野客來尋北

帝經王莽傳是時爭為符命封侯其不為者相戲曰獨無天帝除書乎此借用一番通籍清都

闕

列子穆王以為清都紫微帝王之居樂天詩只恐長生須有籍仙臺試為檢名看又平生同門友通籍在

金閨劉禹錫詩金門通籍毛詩如何百身書名赤城臺賸分人百

其身續仙傳司馬承禎身居赤城飛昇度世無虛日怪

我短褐趨塵埃顧謂彼童子退之秋懷詩顧謂汝此何

預人事晉謝玄傳子弟亦何預但對清樽卽眼開一杯

引人著勝地世說新語曰王衛軍云酒正自引人著傳

聞官酒亦自清徑須沽取續吾瓶南山朝來似有意王微

之云西山朝來致有爽氣今夜儻放春月明

種決明

后皇富嘉種

楚辭橘頌云后皇嘉樹橘徠服兮

決明著方術

本草決明子注云俗

方惟以療眼也道術時頌

耘鋤一席地

老杜種蒿苳詩序云理小畦種一兩席許詩云破塊數席

間荷鋤功易止

時至觀茂密縹葉資芣羹

內則芣羹注云芣羹也又云雉兔皆有芣

注云謂芣羹也

綳花馬蹄實

綳謂淺黃色本草注云生子作角實似馬蹄俗名馬蹄決明

霜

叢風雨餘簸簸場功畢

國語單襄公過陳川不梁野有庾積場功未畢

枕囊代

曲肱

本草決明子盛以囊作枕治頭風明目

甘寢聽芬苾

莊子云孫叔敖甘寢秉羽而郢

人投兵詩苾芬孝祀

老眼願力餘

戰國策趙王曰秦之攻我也不遺餘力矣

讀書真成

癖

晉杜預傳時王濟有馬癖和嶠有錢癖武帝謂預曰鄉有何癖對曰臣有左傳癖劉軻上座主曰歲月悠

久寢成

書癖

同世弼韻作寄伯氏在濟南兼呈六舅祠部

山光掃黛水按藍

卓文君眉黛如遠山色樂天樂府憶江南云春來江水綠如藍又春池戲

李郎中直似按藍新汁色與君南院染羅裳

聞說樽前愜笑談伯氏清修如

舅氏濟南蕭灑似江南屢陪風月乾吟筆

北史隋文令李德林作詔

復鄭譯爵高類戲謂譯曰筆乾

不解笙簧醉舞衫只恐使君乘傳去拾

遺今日是前銜

漢高紀云乘傳詣洛陽樂天詩十年不改舊官銜唐陳子昂杜甫皆左拾遺豈

比之二
子耶

伯氏到濟南寄詩頗言太守居有湖山之勝同韻

和濟南卽齊州李公擇自滑州通判知鄂徙湖又移齊

西來黃犬傳佳句知是陸機思陸雲

陸機傳機寓京師久無家問有犬名

黃耳乃爲書繫其頸犬南走至其家得報還洛

歷下樓臺追把酒

濟南府治歷城韓信襲破

齊歷下軍卽此

舅家賓客厭論文

老杜贈太白云重與細論文

山椒欲雨好

雲氣湖面逆風生水紋

謝叔源詩悲猿響山椒謝靈運詩稅駕登山椒李義山詩水紋

如穀燕差池劉禹錫詩春水穀紋生

想得爭碁飛鳥上行人不見只聽聞

次韻寄李六弟濟南郡城橋亭之詩

德叟

客心如頭垢日欲撩千篋

漢書云頭塵不去杜詩髮短不勝篋

聞人說江

南喜氣吐晴霓

太白詩意氣素霓生

伏枕夢歸路子規吟翠微

杜鵑

一名子規一名鶉鴒爾雅山未及上翠微左太冲蜀都賦山阜相屬觸石吐雲鬱蓋蓋以翠微文選陸佐公石

闕銘旁映重疊上連翠微

濟南似江南

濟南今齊州濟南郡也後又升為濟南府

舊見今

不疑洗心欲成游王事相奪移

文選曹顏遠詩田實相奪移

駕馬戀

棧豆

干寶晉紀曰桓範出赴曹爽宣王謂蔣濟曰智囊往矣濟曰智則智矣駕馬戀蜀豆爽不能用也

豈能辭紮繯

詩皎皎白駒食我場苗紮之維之以永今朝

本無封侯骨

漢翟方進

傳從蔡父相蔡父大奇其形貌謂曰小史有封侯骨

見事又重遲

史記范雎傳穰侯智士也其見

事遲漢杜周傳徒能多著酒大腹如鵠夷揚雄酒箴曰鵠夷滑稽腹

如大壺盡日盛惟思一漁舟載網橫渺瀰退之詩擢棹出渺瀰嬌

貢歷下亭矯貢當是矯首諸本皆誤淵明歸去來辭時矯首以遐觀老杜有陪李北海宴歷下亭詩

云海南此亭古朱闌轉清溪春風吹桃李三月自成蹊

李廣贊桃李不言下自成蹊翠葉張日幄文選陸士衡詩云密葉張翠幄紅英鋪地

衣紅錦地衣隨步緇此南唐李氏宮中歌詞也歐公稱之此中有佳興盧藏用指終南山曰

此中大不醉定自非定自見前注況當郡政成野蘭麥兩岐

漢光武紀建武二年野蠶成繭被于山阜張堪為漁陽太守百姓歌曰桑無附枝麥穗兩岐見後漢書與

民同觀游

孟子云與民同樂也觀游二字惟柳子厚集中多有之字本出揚子雲羽獵賦罕徂離宮

而輟觀游天說云築為牆垣城郭臺榭觀游郭橐駝傳云長安豪富人為觀游永州新臺記乃作棟宇以為觀

游訾家洲記大凡以觀游名于代者不過視于一方又零陵三亭記邑之有觀游者或者以為非政韓文亦有

此語汴州水門記云因而飾之匪為觀游又歐陽生哀詞序云觀游燕饗必召預之永夜不闔扉

言外戶女牆上金樞杜詩樓高更女牆文選海賦大明不閉也

方也杜詩云缺月壞金樞伏滔天如青琉璃杜詩波濤望清賦金樞理鑾素月告聖萬頃堆琉璃

想子果下歸馬飽生芻嘶後漢書潏國出果下馬注云高三尺乘之可于果下

行杜詩生芻通馬性

用明發不寐有懷二人為韻寄李秉彞德叟

秦少游作

李公擇行狀云元布早卒捐其子秉彞如已子秉彞蓋山谷伯舅之子

竹貫四時清

一作竹節晚逾綠

月通雲氣明

一作月華寒更明

外弟有

佳質

一作處

妙年推老成後凋對霜雪

一作到冰霜

不昧處陰

晴盛德當如此

一作觀物憶相見

古人畏後生

一作契闊難為情禮器云如竹

箭之有筠也如松柏之有心也二者居天下之大端矣故貫四時而不改柯易葉論語後生可畏杜詩聚聚元道州前聖畏後生通典世稱姑子為外兄弟舅子為內兄弟非典言也異姓之親通謂之外

在昔授子書髧彼垂兩髧

詩栢舟詩髧兩彼髧注髧者髮至肩子事父母之飾乖

離今十年

退之詩乖離生難憑

樹立映先達

世說云其商客先往者達

青燈戰

妙句

一作誦佳句

如酌春酒滑把書念攜手惆悵至明發

李陵

詩攜手

上河梁

人生不如意十事恒八九

晉羊祜傳祜上疏乞伐吳而議者不同祜曰天下事不如

意恒十

未見歷下人徒傾歷城酒

秉彛南康軍建昌人時在濟南前有寄李

六弟詩即此人

從來親骨肉不免相可不

退之寄岳鄩李大夫詩云

少年樂新知哀暮思故友

但願崇事實虛名等箕斗詩

譬如親骨肉寧免相可否東維南有箕不可以簸揚維北有斗不可以挹酒漿文選古詩南箕北有斗帝牛不負輓言彼三星者虛負輓

有其名太白詩北斗
不酌酒南箕空簸揚

蚤知鵲山亭李杜發佳思

老杜集有陪李北海宴歷下亭詩又和北海郡太守李邕

登歷下亭自注云亭對鵲湖可見湖上山名鵲山也

彌年聽傳誇登覽通夢寐遙

憐坐清曠

謝靈運詩縉嶺謝清曠

落筆富新製

淵明桃源詩俎豆猶古法衣裳無新

製

尚因賓客集瀝酒使我醉

往在舅氏旁復拚堂上帚

禮記少儀云汔埽曰埽埽席前曰拚拚席不以鬣執箕膺

揭注鬣帚也釋文拚弗運反

六經觀聖人明如夜占斗索居廢舊聞

禮記離騷獨索居

獨學無新友

學記獨學而無友則孤陋而寡聞

羨子祀梓材

左傳聲子說楚曰如杞梓皮草自楚往也雖楚有材未
晉實用之袁孝伯三國名臣贊競收杞梓爭采松竹未

曾離矯揉

易說卦云坎為矯揉釋文云如九反棘又如
又反宋忠王廙本作揅宋云使曲者直直者

曲為揅荀子勸學篇
木直中繩輮以為輪

安詩無恙時學行超輩儕

山谷集中有李據字說云予
既字舅弟李據曰安詩而安

詩請其說云云風俗通恙毒蟲喜望人古人草居露宿
故相勞問必日無恙乎又李陵傳霍與上官無恙乎

華屋落丘山

文選曹子建筮篋引云生
存華屋處零落歸丘立

百憂滿人懷此

士如不亡仲子

一作叔也

抱奇材不獨典刑在

詩云雖無老
成人尚有典

刑神明還觀來

法書要錄庾翼與王羲之書云忽見足
下答衆兄書恍若神明頃遇舊觀集中

又有評李德叟詩云孫莘老嘗以德叟詩一軸示予曰
子試為我評之予對曰再過普惠七言古人道中表字
韻國朝以來能者不過一二人而已韓退之所
謂橫空盤硬語妥帖力排彘惟此詩足以當之

少時誦詩書貫穿數萬字

司馬遷贊亦其涉獵者廣博貫穿經傳馳騁古今

來窺陳編記一忘三二

柳子厚寄許京兆書云往時讀書自以不至抵滯今皆頑然無

復省錄每讀古人一傳數紙以後則再三伸卷復觀姓氏旋又廢失山谷蓋用此意歐陽文忠鎮陽讀書詩尋前顧後失得一念十忘光陰如可玩老境翻手至
柳子厚與李翰林書悠悠人世

不過為三十年客耳前過三十七年與瞻良醫曾折足
息無異後所得者其不足把玩亦已審矣

說病迺真意

左傳齊高彊曰三折肱知為良醫屈原九章云九折臂而成醫兮吾至今而知其信

然

卷三

三

桃李春成徑

見前注

本自不期人

桃李成蹊非與人期而人自至耳

歷下

兩寒士簞瓢能悅親恥蒙伐國問

董仲舒傳為江都相事易王王問曰粵王

句踐與大夫泄庸種蠡謀伐吳遂滅之孔子稱殷有三仁寡人亦以為粵有三仁桓公決疑于管仲寡人決疑于君仲舒對曰昔者魯君問柳下惠吾欲伐齊何如柳下惠曰不可歸而有憂色曰吾聞伐國不問仁人此言何為至于我哉徒見問耳且猶羞之況設詐以伐吳乎王曰善肯臥覆車塵子既得此友從之求日新

易日新之謂盛德禮大學湯之盤銘曰苟日新日日新又日新

陪師厚遊百花洲槃礴范文正祠下道羊曇哭謝

安石事因讀生存華屋處零落歸山丘為十詩

百

洲萊公范公
祠皆在鄧

憶在昭陵日

仁宗葬
永昭陵

傾心用老成功歸仁祖廟正得一

書生

謂文
正公

羊生但著鞭勿哭西州門故有不亡者南山相與存

羊曇

事在謝安傳著鞭見劉琨傳並
子曰凡之亡也不足以喪吾存

慶州自不惡藉甚載聲華忠義可無憾公今有世家

仁宗

時元昊反文正公自請守鄜延徙知慶州又以為環慶
路經略安撫使決策取橫山復靈武而元昊稱臣請和

文正仲子忠宣公純仁字堯夫熙寧七年十月知慶州所謂世家者此也哲宗卽位又自河中徙慶州此時未

也不惡

見前注

公歸未百年鶴巢荒古屋我吟殄瘁詩悲風韻喬木

詩人

之云亡邦

國殄瘁

傷心祠下亭在時公燕處臨水不相猜江鷗會人語

公有一杯酒與人同醉醒遺民能記憶欲語涕飄零

北史

裴義宣傳不飲酒而好賓游終日獻酬同其醉醒左傳吳季札聞歌唐曰思深哉其陶唐氏之遺民乎

委徑問諱俗高丘省佃作昔遊非苟然今花幾開落

在昔實方枘成功見圓機

離騷經云不量鑿而正枘兮固前修以菹醢九辯云圓鑿

而方枘兮吾固知其鉏鋸而難入文正平生鉏鋸不合多矣參知政事亦以不合出而其臨邊隨宜制變未始

不圓也文中子曰安得圓機之士與之言九流哉

九原尚友心

孟子是尚友也

白首要

同歸

潘安仁詩投分寄石友白首同所歸文正公岳陽樓記其末云其必曰先天下之憂而憂後天下之

樂而樂乎噫微斯人吾誰與歸詩意端指此

人去洲渚在春回花草斑

杜詩重巖細荀斑又云春風花草香

清談值淵

對發興如江山

杜詩發興自林泉

落日銜城壁

淵明詩悠悠銜山日炯炯留清輝太白詩青山猶銜半邊日

祠東更一

遊

文正守鄧三年後人祠之

悲來惜酒少安得董糟丘

南史陳暄與兄子秀書曰

速營糟丘吾將老焉李白寄元參軍詩憶昔洛陽董糟

丘為予天津橋南造酒樓黃金白壁買歌笑一醉累月

輕王

侯

百花洲雜題

范文正公集中有答王源叔憶百花洲見寄云芳洲名冠古南都又獻百

花洲圖上陳州晏相公云穰下勝遊少比洲聊入詩百花爭窈窕一水自連漪鄧州南陽郡東漢為

南都也

范公種竹水邊亭漂泊來游一客星

范杜上漢中王云西漢親王子成都

老客星客星老杜以自喻山谷亦用此意客星本出嚴光傳

神理不應從此盡

謝靈運述

祖德詩云拯溺由道情龜暴資神理百年草樹至今青

用老杜齊魯青未了之意

竹下把酒

竹下傾春酒愁陰為我開不知臨水語更得幾回來

柳子

厚再上湘江詩好在湘江水今朝又上來不知從此去更遣幾年迴

砌臺晚思

目極江南千里春

楚辭目極千里兮傷春心

誰今灑筆可招魂

宋玉有招

魂一篇杜詩昭州詞翰與招魂

向人猶作故時面翠竹蒼烟一萬根

山谷

衛南詩落句云惟有鷓鴣古祠柏對人猶是向時情與此同意晉劉惔傳惔字真長褚裒謂孫綽曰真長平生

何嘗相比數而卿今
日作此面向人耶

和師厚接花

妙手從心得

輪扁斲輪謂齊桓公曰臣得之于手而應于心接花如有神杜詩下筆

如有神

根株穰下土

鄧州治穰縣

顏色洛陽春

纂異蜀本前四句作妙得花三

昧誰明幻與真家風穰下土笑面洛陽春

雍也本犁子

史記仲尼弟子傳冉雍字仲弓子曰雍也

可使南面仲弓父賤人子曰犁牛之

仲由元鄙人

字子由

子驥且角雖欲勿用山川其舍諸

升堂與入室只

在一揮斤

論語子曰由也升堂矣未入于室也莊子匠石運斤成風言以洛陽牡丹接鄧州所種花

如化犁子鄙
人為良士也

和師厚栽竹

大隱在城市

文選王康琚詩
大隱隱朝市

此君真友生

王徽之種竹
云何可一日

無此君耶詩矧伊
人矣不求友生

根須辰日斲

藝苑雌黃云種竹多用
辰日山谷所謂根須辰

日斲
也 筍要上番成

杜詩無數春筍滿林生柴門密掩斷
人行會須上番看成竹客至從真不

出近番字原注云去聲蓋用
蜀人方言也山谷姑作平聲

龍化葛陂去
用費長房竹化為龍事

鳳吹阿閣鳴

漢律歷志黃帝使伶倫自大夏之西昆侖
之陰取竹之解谷斷兩節間而吹之以為

黃鍾之宮制十二筩以聽鳳之鳴其雄鳴為
六雌鳴亦六帝王世紀黃帝時鳳巢阿閣

草荒三徑

斷歲晚見交情

用程公書門事

次韻師厚雨中晝寢憶江南餅麪酒

雨砌無車馬風簾灑靜便

老杜詩秋風灑靜便字本出謝康樂詩

忽思江

外酒準擬醉時眠

退之北湖詩準擬醉時來

隱几惟觀化

莊子齊物論南郭子

綦隱几而坐仰天而虛云云篇末言莊周夢為胡蝶周與胡蝶則必有分矣此之謂物化李白詩虛舟不繫物

觀化遊

開書屢絕編

漢儒林傳序孔子晚而好易讀之韋編三絕

遙知煙渚

夢遣騎喚漁船

文選魏文帝書今遣騎到鄴

次韻師厚萱草

從來占北堂

衛國風伯兮云焉得諶草言樹之背毛云諶草令人忘憂背北堂也釋文云諶本又

作雨露借恩光

文選江淹書大王惠以恩光

與菊亂佳色

淵明詩秋菊有佳色

裊露擲其英

共葵傾太陽

文選曹子建表若葵藿之傾葉太陽雖不為迴光然向之者誠也

人生真苦相物理忌孤芳

顏延年祭屈原文物忌堅芳人諱明潔退之詩忌質忌處

羣孤芳難寄林

不及空庭草榮衰可兩忘

次韻謝外舅病不能拜復官夏雨眠起之什

復官蓋熙

寧十年

丈人養病卧

後漢高彪傳公今養病傲士固其宜也文選謝靈運詩養病丘園中又云卧病對空

林此道取衆棄

史記白圭傳人棄我取人取我與引此以言取捨與衆異耳山谷祭劉凝之文

云執盈虛以化物取衆棄而致夥此乃言用白圭之術

強飯尚可飽

漢貢禹傳生其強飯慎疾

以自輔

力田苦常匱

言力學而不遇時如力田而不達年也

欲從羣兒嬉出

語不斌媚

退之詩又不媚笑語不能伴兒嬉唐魏徵傳帝曰人言徵舉止疎慢我但見其斌媚耳

軒窗坐風涼編簡勘遺墜

漢劉歆傳經或脫簡傳或間編

自安井无禽

易井卦初六井泥不食舊井无禽注謂井不潔治禽所不向而况人手一時所共棄師厚能安之焉未歎

旅焚次

旅卦九三旅焚其次喪其童僕注謂次焚僕喪而身危也師厚幸未至此

夏暑極陽

功董仲舒策陽常居大夏以主歲功

時霖作陰事

禮記昏義月食則后素服蕩天下之陰事

呼兒疏藥畦植杖按瓜地

歸去來辭或植杖而耘紆字本出論語杜詩青門瓜地新

凍裂

南山雲氣佳北極冕旒

爾雅北極謂之北辰禮天子冕十有二旒前後選延

杜詩玉几由來天北極

自欣鬚髮白得見衣裳治

繫辭垂衣裳而天下治山

林收枯槁

莊子此山谷之士非世之人枯槁赴淵者之所好也

草木洗憔悴舐痔

以車來

衛國風以爾車來莊子列禦寇篇秦王有病召醫破癰潰痊者得車一乘舐痔者得車五乘

探珠遭龍睡

列禦寇篇又云河上有家貧恃緯蕭而食者其子沒于淵得千金之珠其父曰千金

之珠必在九重之淵而驪龍頷下子能得珠者必遭其睡也

腹便時蒙嘲

後漢邊韶傳曾晝日

假卧弟子私嘲之曰邊孝

身退得自恣

莊周傳云其言汪洋自恣以適

已伊優無下僚骭髀謝高位

後漢趙壹傳有秦客者為詩曰伊優北堂上骭髀倚

門邊選詩英

誰能領斯會

文選向秀思舊賦託運遇于領會注云領會冥理相會也

好在漆園吏

選詩漆園有傲吏史記莊子蒙人也嘗為蒙漆園吏杜詩因君問消息好在阮元瑜

柳子厚再上湘江詩好在湘江水今朝又上來

次韻師厚病間十首

貝錦不足歌

小雅巷伯寺人傷于讒故作是詩也萑兮變兮成是貝錦據實錄熙寧五年五月追

前提點成都府路刑獄司封郎中謝景初兩官都官郎中李杲卿一官竝勒停坐在成都府路踰濫故也今觀

此詩蓋必有織成其罪者前集和邢惲夫秋懷云謝公蘊風流詩作鮑照語絲蟲榮諫草筆力挾風雨萬里投

東書石交化豺虎請陳江漢詩江漢乃大雅篇名荀子賦偏天下不治請陳詭

詩

美人出江漢窈窕世未窺

詩窈窕淑女文選張平子四愁詩序云依屈原以美

人為君子以珍寶為仁折蘭不肯佩韓退之猗蘭操蘭之猗猗揚揚其香

不采而佩告我以蠶飢溫飛卿詩云蠶飢使君馬鴈避將軍箭玉臺新詠陌上桑秦氏

于蘭何傷有好女自言名羅敷羅敷善蠶桑采桑城南陌使君從南來五馬立踟躕使君遣吏問寧可共載不羅敷前置

辭使君一何愚云云王無功賦閑烏帝而訝夕憶蠶飢而慮晚李白古樂府秦地羅敷女採桑諷水邊素手青

條上紅妝日色邊蠶飢獨歸豈憚遠三危露如飴呂氏春秋

委欲去五馬莫留連本味篇云水之美者三危之露崑崙之井大雅緜云周原膺膺董荼如飴韓偓詩序云咽三危之瑞露美動七

情

卷三

德人更疾疾術智益灑落

孟子曰人之有德慧術知者恒存乎疾疾

及身見

萬古

孟子曰萬物皆備於我矣反身而誠樂莫大焉

道不在卜度胷中有鎔鄒

老境要志弱

言內剛外柔也閭使作劒二曰千將曰鎔鄒鎔鄒千將之

妻也道德經云實其腹弱其志注云和柔謙讓不處權也

謝公賦達生達生真可託

莊子有達生篇謝靈運齊中讀書詩萬事難並歎達生章可託

引鏡照清骨驚非曩時人

肇法師物不遷論云梵志出家白首而歸鄰人曰昔人尚

存乎志曰吾猶昔人非昔人也

天地入喻指

莊子齊物論以指喻指之非指不若以非指喻指之

非指也以馬喻馬之非馬不若以非馬喻
馬之非馬也天地一指也萬物一馬也芭蕉自觀身

維摩經是身如芭蕉陳力則已病論語陳力就列不能者止征財又室

貧古來支離疏粟帛王所仁莊子人間世篇支離疏者願隱于齊肩高于頂上有

大役則支離以有常疾不受功上
與病者粟則受三鍾與十束薪

菹寒知園秋賈誼新書曰楚惠王食菹而得蛭遂吞之飯白問米賤老杜云與

奴白飯馬青芻又云婦孫勸甘旨霜兔頗宜麪內則云慈以旨

甘又云牛宜秣羊宜黍黃花不舉酒佳句餘嫪戀嫪即

退之薦士詩念將決經行宴坐堂維摩經曾于林中宴坐鼠跡書

几硯

語林曰簡文為撫軍時所坐牀上生塵不聽左右掃去見鼠行跡視以為佳

桃李一春期松栢千歲永經玄事寂寞

揚雄有解朝云意者玄得無尚

白乎又云惟寂惟寞守德之宅

髮白官閒冷草綠艾如張

艾如張樂府篇名

波

清蛾司影

春秋莊十八年秋有蛾注短狐也舍沙射人為災音或官韻域或兩音博物志江南溪水

中有射工蟲長一寸口中有弩形氣射人影不治則殺人

東里與無趾渠有幸不幸

莊子德充符篇申徒嘉兀者也而與鄭子產同師于伯昏無人子產謂申徒嘉曰我先出則子止子先出則我

止又云魯有兀者叔山無趾踵見仲尼仲尼曰子不謹前既犯患若是矣雖今來何及矣兩人皆兀者故誤以

申徒嘉為無趾東里子產也

病餘兒廢鋤門巷草芊眠

楚辭云遠望兮阡眠陸士衡
云林薄草阡眠謝朓云阡眠

起雜

來者何所聞披草足蹙然

晉嵇康傳康居貧鍛于
大樹之下以自贍給鍾

會往造焉康不為之禮而鍛不輟良久會去康謂曰何
所聞而來何所見而去會曰聞所聞而來見所見而去
會以此憾之言于文帝遂害之文選
趙景真書云披榛覓路蹙然見前注
封侯謝骨相李廣
吾相不當封耶班超傳此萬里侯
相也翟方進傳小史有封侯骨
使鬼無金錢晉魯褒
錢神論

云錢無耳
可使鬼

夢作白鷗去江湖水黏天

退之祭張員外文
云洞庭漫汙黏天

無壁前集有詩云夢作白鷗去江湖水如天莊子曰且
汝夢為鳥而屬乎天夢為魚而沒于淵南史梁忠烈世
子方等傳嘗著論曰吾嘗夢為魚
因化為鳥方其夢也何樂如之

民生自煎熬

杜詩置膏烈火上哀哀自煎熬太白詩名利徒煎熬

煮豆以其爨

世說

魏文帝使東阿王七步作詩不成當行大法王應聲曰其在釜下然豆在釜中泣本是同根生相煎何太急

居然忘本根

詩生民不康裡祀居然生子文子云形之與名居然別矣

光陰不供翫

柳子厚與李翰林書見前注

藏山夜半失

莊子大宗師篇云藏舟于壑藏山于澤謂之固矣然

而夜半有力者負之而走司馬彪曰舟水物山陸居者也藏之壑澤非人意所求謂之固有力者或能取之亦如人生于世自以為固

烏合歸星散

文選晉紀總論云新起之寇烏合之

象注引管子書云烏合之象初雖相歡後必相噬蜀志姜維傳曰星散流離死者甚衆

因病見不

生達人果大觀

維摩經云我不任詣彼問疾云云諸法畢竟不生不滅又云法本不生今則無

滅賈誼鵬鳥賦小智自私賤
彼貴我達人觀物無不可

開田種白玉

種玉事出搜神記見前注

飽牛事耕犁雨露非無澤得

秋常苦遲猛虎擅文章

論語虎豹之鞶猶犬羊之章
韓正義曰此章貴尚文章斑斑

被諸兒

文選上林賦曰被斑文七命云拉虎推斑

長松抱勁節惟有歲寒知

見論語潘安仁西征賦勁松彰于歲寒貞臣見于危國

謝公蒔蘭若

文選郭景純詩翡翠戲蘭若容色更相鮮

真意付此物惠然風

肯來

詩終風惠然肯來

香為一披拂

莊子天運篇孰居無事而披拂是

遙知醉

吟姿黽勉向朱紱

詩黽勉求之易困卦朱紱方來杜詩朱紱負平生師厚初復官得襄陽倅

拈節橘柚黃僧屋對像佛

李太白詩露皓梧楸白風催橘柚黃文選頭陀寺碑象設

既開注象佛之形像也

身病心輕安道肥體癯瘦

韓非子云子夏見曾子曾子曰何肥也曰戰勝故肥吾入

見先王之義則榮之出見富貴之樂又榮之兩者交戰于胃中未知勝負故癯今先王之義勝故肥好懷

當告誰四牆棗紅皴

退之聯句紅皴皴

負暄不可獻子

楊朱篇云宋國有田夫常衣縕黻僅以過冬暨春東作自暴于日不知天下之有廣廈隙室餘纒狐貉顧其妻

曰負日之暄人莫知者以獻吾君將有重賞

捫蝨坐清晝

晉王猛傳桓溫入關猛被褐詣之捫

蝨而言旁

端有真富貴

樂天詩為報高蓋車恐非真富貴

千秋萬年後

杜詩千秋萬歲
名寂寞身後事



山谷外集詩注卷三